

# FANAJANA

♪ . . . hatramin'ny nialako tany amin'ny hopitaly vao teo, ary somary navelako teo an-tan'an'ny Tompo ilay izy, hoe raha-raha . . . mahafantatra fa farim-peo kely aho, satria trathy ny sery aho. Fa nieritreritra aho fa raha izaho . . . raha salama tsara i neny mba ahafahako ho tonga, nahoana, dia ho tonga indray aho hitsidika anareo. Satria, rehefa mahita olona iray tahaka an'i mama mandry any aho, ary mahafantatra fa ireto reny sy dada hafa eto ireto, izany hoe isika rehetra dia tsy maintsy tonga eo amin'izany toerana izany, hitanareo, ary mieritreritra hoe mankasitraka toy ny ahoana aho fa vonona ny handeha izy.

<sup>2</sup> Ary avy eo, ary ny zavatra iray hafa tiako hambara amin'ny fiangonana. Mino aho fa nahita an-dRanabavy Wilson tery aoriana tery. Ary—ary avy eo dia misy an-dRanabavy sy Rahalahy Sothmann eto any ho any, angamba, ato amin'ny tranobe. Ary—ary maro aminareo eto izay nanolotra ny fanampianareo hipetraka niaraka tamin'i mama tamin'ny alina, sy ireo zavatra tahaka an'izany, mahatoky tokoa izany. Ary mankasitraka ny rehetra izay nataonareo rehetra aho. Marina tokoa, reraka ilay fianakaviana, fantatrareo, mijanona isan-kariva izahay. Ary izao ankehitriny izao, miasa ny ankamaroan'izy ireo, noho izany ilay izy dia izaho sy Meda, na-na Delores, ary manana zanaka izy any an-tsekoly, ary izany no somary manao an'ilay izy ho sarotra fotsiny ny mizara azy amin'ny roa aminay tahaka an'izany, ary lasa reraka fotsiny ianareo. Zara fotsiny ianareo raha afaka mandeha, ary tsy afaka manavaka ny andro amin'ny alina ianareo, zara, indrindra rehefa saiky tonga eo amin'ny taonako sy Meda ianareo, fantatrareo, ilay izy tsy—ilay izy tsy mila tena alina betsaka handreraka anareo rehefa mahazo taona kely eo aminareo ianareo.

<sup>3</sup> Noho izany, nieritreritra aho taloha fa afaka hahatanty an'izany andro aman'alina. Avy tany California aho tao anatin'ny Ford model-T tranainiko, ary natory kely aho teny an-dàlana, nila teo amin'ny efatra na dimy andro ho ahy, fito andro angamba, hanaovana an'izany. Ary namily fiara hatrany aho, andro aman'alina. Ary vizaka kely aho, natsipiko tao ambanin'ny fiara ny bodofootsiko, nivoaka nankeny amin'ny kijana, natory ora vitsivitsy ary nanohy. Niova betsaka aho hatramin'io, Rahalahy Neville. Fantatro fotsiny fa nihoatra ny dimy amby roapolo taona aho, hitanao.

<sup>4</sup> Ary noho izany dia—dia tombontsoa iray ny tonga eto antranon'ny Tompo izao hariva izao. Ary aninkeo maraina aho dia nanana kely iray—kely iray, naoty vitsy tetra izay tiako ho . . . Izaho dia . . . Nomen'ny Tompo ahy. Ary nieritreritra aho

angamba fa aninkeo maraina, raha nanana anjara aho, dia hiresaka eo amin'izany alohan'ny anaovako ny vavaka ho an'ny marary. Saingy satria tara isika noho ireo fanontaniana aninkeo maraina, dia nieritreritra aho fa angamba, raha tsaratsara kokoa i mama, dia izany angamba no ho famantarana iray fa tsy maintsy tonga indray aho izao hariva izao, angamba, ary hiresaka vetivety izao hariva izao raha tsy manapaka ny fandaharan-dRahalahy Neville izany any ho any.

<sup>5</sup> Ary nitsangana tao amin'ny efitra aho nahazo fijoroana vavolombelona mahafinaritra iray fotsiny nomena ahy, mikasika ny anabavy Kristiana iray izay miaraka amintsika izao hariva izao. Tao anatin'ny laharam-bavaka izy aninkeo maraina, ary nivavaka izy, nitsangana ho an'ny olon-kafa iray. Ary tao amin'ny efiranony, efitrano maizina, dia nisy *Ny—Ny Sakafo Harivan'ny Tompo, Ny Sakafo Harivan'ny Tompo Farany*. Ary ilay izy dia tena tsy azon'ny masoandro hidirana ao amin'ilay efitra amin'ny toerana rehetra. Ary rehefa tamin'ny telo ora tamin'ity tolakandro ity, io Boriborin'ny Hazavana izay hita eto io rehefa avy nitory teo amin'ireo Taom-Piangonana isika, saingy tao amin'ny loko maro an'ny avana fotsiny, mitovy, dia tonga teo ambonin'ny lohan'ny Tompo Jesosy. Eny, nodinihiny vetivety Izany. Ary nandeha izy ka niteny tamin'ny rahavaviny, araka ny ahazoako an'ilay tantara, ary—ary tonga izy ireo ka talanjona tamin'Izany nandrity ny fotoana ela, adiny iray na zavatra iray. Ary avy eo dia niantso mpiara-monina iray izy ireo, mpitoriteny, izay Rahalahy Stricker eto, mba hijery ny mikasika an'Izany. Dia nipetraka izy ireo ary nandinika an'Izany, hatramin'ny dimy na zavatra tahaka an'izany. Ary nangatahana hivavaka ilay mpitoriteny, ka tsapany fa tsy afaka nivavaka fotsiny izy, na zavatra iray.

<sup>6</sup> Tao anatin'ny—ny fotoana kely, dia nisy olona iray nanome hafatra, (ary nanome ny fandikana ny dikan'izany izy ireo), ary niverina ilay hafatra, tamin'ny alàlan'ny firesahana tao amin'ny hafatra, ka nilaza fa izy ireo dia “diso fandika,” tsy nanome azy tsara izy ireo. Heveriko fa marina izany, sa tsy izany, Ranabavy Bruce? Tsy nanome azy tsara izy ireo. Nilaza fa ilay famantarana dia, dia mba hanehoana amin'izy ireo, toy ny fankasitrahana azy ireo, hoe nino ny Hafatra izay nivoaka avy teto amin'ny tabernakla teto izy ireo, tahaka an'izany. Ary nilaza fa hahita zavatra lehibe kokoa noho io hiseho io izy ireo, hoe hahita Anjely mihitsy aza izy ireo miakatra, ary midina sy miakatra.

<sup>7</sup> Noho izany dia miaina ao amin'ny andro farany isika, ary manakaiky ny andro farany. Ary izaho...Izany dia toy ny, mety toy ny mampahatahotra amin'ny olona sasany, fa ho an'ireo Kristiana, dia faly aho fa eto isika. Izaho—faly aho fa eo amin'ny farany isika.

<sup>8</sup> Nilaza an'izany aho indray mandeha tao amin'ny favoriana iray. Dia niresaka tamiko ny olona iray, nanao hoe, “Inona no

tianao lazaina? Ny tianao lazaina ve dia hoe faly ianao mahita ny fiafaran'izao tontolo izao tonga?"

<sup>9</sup> Hoy aho hoe, "Oh, eny, tompoko!" Hoy aho hoe, "Azo antoka!"

<sup>9</sup> Hoy izy, "Eny, toa tsy mato-tsaina izany, ny olona iray izay ho tia ny fiafaran'izao tontolo izao tonga."

<sup>10</sup> Hoy aho hoe, "Amin'ny fiafaran'izao tontolo izao, ny fotoana, no tonga Jesosy, ary Izany No tiako ho hita." Dia hoy aho hoe, "Ny Baiboly dia nilaza hoe, 'Ireo rehetra izay tia ny Fisehoany!' Hitanao?"

<sup>11</sup> Ary fifaliana ny mahafantatra fa, fa ireto zavatra trana iny ireto, an'ny fiainana, dia hitsahatra indray andro any, ary isika dia—hahita Azy isika.

<sup>12</sup> Fa fotoana vitsy lasa izay, dia voalaza tany amin'ilay... Oh, taona maro tany aoriane, rehefa nanana fanandevozana izy ireo. Ary nisy ny—lehilahy mainty hoditra antitra iray izay efa... nanana an'ireo hiram-pianganona fahiny taloha, hiram-paritra. Nivory miaraka izy ireo ary nanana mpitoriteny teo anivon'ireo andevo, ary nitory teny, fantatrareo, ary nanao favoriana izy ireo. Ary indray hariva dia nisy lehilahy iray voavonjy teo. Ary rehefa voavonjy izy, dia fantany fa afaka izy tamin'izay. Noho izany dia nanomboka niteny tamin'ireo andevo sasany izy, ny ampitso maraina, teo amin'ny toeram-pambolena, hoy izy hoe, "Afaka aho."

<sup>13</sup> Noho izany dia nanatona ny sefony ka nisintona azy, hoy izy hoe, "Ankehitriny, jereo eto, ry Sam." Hoy izy, "Inona izany reko teneninao eo anivon'ireo andevo izany, hoe afaka ianao?"

<sup>14</sup> Hoy izy hoe, "Eny, sefo." Hoy izy, "Marina izany." Hoy izy, "Tao amin'ny favoriana omaly hariva, dia nafahana tamin'ny lalàn'ny fahotana sy fahafatesana aho." Izay ilay izy. Izay ilay izy.

<sup>15</sup> Ny lalàn'ny fahotana sy fahafatesana, nafahana tamin'izany aho. Voafatotra teo ianareo fahiny, hitanareo, fa ankehitriny dia afaka amin'izany ianareo. Hitanareo? Araka ny nolazaiko aninkeo maraina, fa ao anatin'ny fahafatesana irery ihany no mitoetra ny fahotana. Mitovy ny fahotana sy ny fahafatesana, hitanareo. Fa rehefa lavity ny fahotana ianareo, dia lavity ny fahafatesana; fa raha mbola ao anatin'ny fahotana ianareo, dia ao anatin'ny fahafatesana. Hitanareo? Ary noho izany rehefa afaka amin'ny lalàn'ny fahotana sy fahafatesana ianareo, dia olom-baovao ao amin'i Kristy Jesosy, ary afaka ianareo arak'izany.

<sup>16</sup> Dia nilaza taminy ny sefony, nanao hoe, "Sam, entitra amin'izany marina tokoa ve ianao?"

<sup>17</sup> Hoy izy hoe, "Eny, tompoko." Dia hoy izy, "Ny Tompo no niantso ahy omaly hariva mba hiresaka amin'ny oloko, ary hiteny

amin'izy ireo, fa afaka ny ho afaka amin'ny lalàn'ny fahotana sy fahafatesana izy ireo. Na dia andevo aza izahay, dia mbola afaka ny ho afaka amin'ny lalàn'ny fahotana sy fahafatesana foana."

Hoy izy hoe, "Sam, entitra amin'izany marina tokoa ve ianao?"

<sup>18</sup> Hoy izy hoe, "Sefo, tsy fantattro izay hanaovanao ahy aorian'ny ilazako an'izao, saingy izaho—teneniko aminao, fa lehilahy afaka aho." Hoy izy hoe, "Afaka tamin'ny lalàn'ny fahotana sy fahafatesana aho."

<sup>19</sup> Dia hoy izy hoe, "Sam, izaho dia Kristiana, ihany koa, fantatraq. Ary satria ianao no... Andriamanitra no nanao anao ho afaka amin'ny fahotana sy fahafatesana, ary Kristiana iray ianao, ka mahatsapa ianao fa te-hiteny amin'ireo rahalahinao mikasika an'izany, dia handeha any aho izao maraina izao ka hanao anao ho afaka, ary hanasonia an'ilay fanambarana. Ary afaka ny ho lehilahy afaka iray ianao, tsy voafatotr'iza na iza, history ny Filazantsara amin'ireo rahalahinao."

<sup>20</sup> Nilaza izy fa nitory teny nandritry ny taona maro, maro ilay lehilahy antitra. Ary indray andro any arak'izany, avy eo, tahaka ny ataontsika rehetra, dia tonga eo amin'ny faran'ny lâlantsika isika. Ary isika rehefa tonga eo amin'ny faran'ny antsika... ny lâlany, rehefa nanao izy, tonga izy. Ary nandry tsy nahatsiaro tena izy, hoy izy ireo, nandritry ny angamba, oh, ora maro. Dia tonga namangy azy ny maro tamin'ireo rahalahiny fotsy hoditra. Ary sendra nisy vondron'izy ireo tao amin'ilay tranobe rehefa nifoha izy, niverina tamin'ny tenany. Nijery manodidina izy, hoy izy hoe, "Ny tianareo ho lazaina ve dia hoe mbola tsy any aho?"

Dia hoy izy ireo hoe, "Sam, natory ianao."

<sup>21</sup> Hoy izy hoe, "Tsia." Hoy izy hoe, "Tsy natory aho." Hoy izy, "Tany amin'ilay ilany hafa aho."

<sup>22</sup> Nahoana, hoy izy ireo, hoy ireo rahalahy mpitoriteny hoe, "Sam, teneno aminay izay hitanao tany amin'ilay ilany hafa."

<sup>23</sup> Hoy izy, "Eny" hoy izy, "niditra tao amin'ny vavahady fotsy perla lehibe aho," ary hoy izy, "rehefa niditra tao aho," hoy izy, "dia hitako ilay Seza fiandrianana, ary hitako Izy." Dia hoy izy, "Nanatona ny Anjely iray, hoy Izy hoe, 'Ianao ve no Sam?'"

Hoy izy hoe, "Izy aho."

<sup>24</sup> Hoy Izy, "Sam," hoy Izy, "inty ny—ny akanjolava iray sy satroboninahitra iray." Hoy Izy, "Nahazo an'ity ianao, ry Sam, noho ireo asa lehibe izay nataonao teny ambonin'ny tany."

<sup>25</sup> Hoy izy hoe, "Aza miteny amiko mikasika akanjolava iray sy satroboninahitra iray ho valisoa."

Hoy Izy hoe, "Inona no tianao ho valisoa iray?"

Hoy izy, "Avelao fotsiny aho hijery Azy mandritry ny arivo taona."

<sup>26</sup> Heveriko fa tahaka an'izany no tsapantsika rehetra, sa tsy izany? Izaho—tsy mila akanjolava sy satroboninahitra ary lapa aho, tiako fotsiny ny hijery Azy. Tiako fotsiny ny hijery Azy. Ary izao fotsiny, fantatrareo, tsy ho tianareo fotsiny ve—tiako ny hihazona ny tànanao raha mbola manao an'izany aho, Rahalahy Neville. Afaka miaraka manao an'izany isika, manao hoe, “Eritrereto izany, Rahalahy Neville, toy ny ahoana no nijanonantsika tao amin’ny tabernakla, ny hafanana sy hatsiaka, sy ny sisa. Fa jereo eto izay jerentsika, ilay Zanak’Andriamanitra velona.” Tsy hahafinaritra ve izany, ny mijery fotsiny ka mahita ny Toe-batany!

<sup>27</sup> Izaho, indroa teo amin’ny fiaainako ankehitriny, intelo, no nahitako Azy tao amin’ny fahitana. Nitovy foana Izy isan’andro. Fa tsy misy artista eto amin’izao tontolo izao afaka mba handoko ny Sariny. Mety mandoko zavatra iray izay mety mitovy Aminy izy ireo. Fa Izy dia nitovy, ho ahy, ho Lehilahy iray Izy raha hiteny Izy fa ho tonga eo amin’ny fiafarana iray izao tontolo izao, kanefa tena malemy fanahy sy maha-te-ho tia, ka tsy misy fotsiny... misy toetoetra be loatra eo izay tsy nety hany takatry ny borosin’ny artista. Ary azoko antoka fa tiako ny hahita Azy indray andro any, ao amin’ny Tena.

<sup>28</sup> Ary nieritreritra aho mazàna, rehefa, hoe tiako ny handre Azy rehefa nanangana an’ireo tànana sarobidy ireo Izy ka nanao hoe, “Mankanesa aty Amiko.” Mijery an’io endrika reraka, sasatra eo Aminy io, rehefa reraka sy sasatra nohon’ny Diany Izy, manao hoe, “Mankanesa aty Amiko, ianareo rehetra izay miasa fatratra, sy mavesatra entana, Izaho hanome anareo fitsaharana. Ento eo aminareo ny Ziogako, ka mianara Amiko, fa malemy fanahy sy manetry tena Aho.” Tiako ny handre Azy milaza an’izany. Tsy tany aho tamin’io andro io. Tsy nitsangana niaraka tamin’i Petera, Jakoba, ary Jaona aho. Saingy manantena aho fa hitsangana eo akaikin’izy ireo amin’ny andro izay ahafahako mandre Azy milaza hoe, “Tsara izany, ry Mpanompoko tsara sy mahatoky, midira amin’ny fifalian’ny Tompo ankehitriny.”

<sup>29</sup> Ary ny mieritreritra fa ireo olona tena nanoratra an’ity Baiboly ity, Paoly, Isaia, Jeremia, ary ireo apostoly rehetra, ary ireo rahalahy sarobidy, na aiza na aiza izy ireo ankehitriny, na aiza na aiza izy ireo ankehitriny... Ilay tena Andriamanitra izay nifanaraka tamin’izy ireo mihitsy, mba hahita mialoha an’ireo zavatra sy hanoratra an’Izany, sy ny sisa, ka nanome azy ireo an’ireo fanomezam-pahasooavan’ny Baiboly, ny faminaniana sy ny fitenenana amin’ny fiteny tsy fantatra, sy ireo famantarana ary fahagagana, sy ny sisa. Ireo lehilahy iray ireo ihany, na aiza na aiza izy ireo ankehitriny, hiaraka amin’izy ireo isika. Ilay Andriamanitra iray ihany miaraka amin’ilay zavatra iray ihany. Ilay izy dia tsy “maminavina an’izany” intsony, fantatsika izany ankehitriny, hitanareo, satria manatrika marina tokoa Izy ary

fantatsika fa marina izany. Noho izany dia tsy tokony ho isika ve no olona sambatra indrindra eto ambonin'ny tany? Inona, inona koa no mbola hirantsika?

<sup>30</sup> Niresaka tamin'ny lehilahy azon-taona iray aho tamin'ity tolakandro ity, teo amin'ny, heveriko fa nilaza izy fa valo amby valopolo na sivy amby valopolo taona, izay lasa Kristiana iray vao haingana mihitsy. Nataoko batisa tamin'ny Anaran'i Jesosy Kristy izy, fony izy tsy niakanjo afa-tsy ny palitao sy patalo hany mahazatra fitondra ny Alahady. Nentiko tao anaty rano teto izy. Heveriko fa Rahalahy Wood no nampindrana patalo hany azy na zavatra iray, ary nataonay batisa tao anaty rano teto izy. Ary niteny tamiko izy, fony izy zazalahy iray... Lehilahy iray manan-karena izy raha ny marina ankehitriny. Ary izy, fony izy zazalahy iray, nilaza izy fa niasa telopolo dolara isambolana. Tsy nanambady mihitsy izy na inona raha tsy efa lehilahy antitra iray. Ary nilaza izy hoe toy ny ahoana no naniriany mafy ny fotoana izay haha-antitra azy ka tsy hangatahany sy hipetrahany eny an-dàlambe. Ahoana fa nalainy ireo dimy cents kely sy ny sisa izay notehiriziny, ka napetrany hiasana izy ireny, ary niasa marina tokoa izy ireo ary niangona. Dia lasa... Ary indro izy ankehitriny, eo amin'ny valopolo taona mahery, valo amby valopolo na sivy amby valopolo, heveriko fa izy no nilaza, manakaiky ny sivifolo mihitsy, mbola mandeha foana, nipetraka tato am-piangonana mihitsy aninkeo maraina. Ary noho izany dia nandamina tsara izy hany ka tsy voatery hanahy. Raha velona zato taona hafa iray izy, dia tsy voatery hanahy rehefa tonga eo amin'ny resa-bola izany sy ny sisa tahaka an'izany. Tsara fo, olo-masina tsara, rahalahy, manao ny zavatra rehetra ho an'ireo Kristiana, ary ireo zavatra izay fantany hatao.

<sup>31</sup> Ary noho izany dia hoy aho hoe, "Ary ambonin'izany rehetra izany, ry rahalahiko sarobidy, rehefa mbola valo amby valopolo na fito amby valopolo taona ianao, Andriamanitra, amin'ny Famindrampony, dia nidina ka nanome anao Fiainana Mandrakizay ho an'ny Trano iray any An-danitra." Inona intsony no mbola azonareo ilaina hanasolorana fiainana iray? Eny, tompoko.

<sup>32</sup> Ary amin'ny harena rehetra izay azontsika nangonina, ireo zavatra rehetra izay azontsika natao teto ambonin'ny tany, tsy mampaninona na inona izy ireo, izay nataon'ny olona, dia tsy maintsy maty ianareo ary hamela ny kely tsirairay an'izany.

Aza mitsiriritra an'ireo harem-poana an'ity izao  
    tonolo izao ity,  
Izay mihalò haingana mihitsy,  
Aoreno eo amin'ireo zavatra Mandrakizay ny  
    fanantenanareo,  
Tsy ho levona mihitsy izy ireo!

<sup>33</sup> Marina izany. *Mihazòna Eo Amin’Ny Tànan’Andriamanitra Tsy Miova*. Tiako izany hira izany. Nihira betsaka an’izany isika taloha teto amin’ny tabernakla.

Ny fotoana dia feno fiovaovana haingana,  
Tsy misy eto an-tany afaka maharitra tsy  
mihetsika,  
Aoreno eo amin’ireo zavatra Mandrakizay ny  
fanantenanareo,  
Mihazòna eo amin’ny tànan’Andriamanitra tsy  
miova!

<sup>34</sup> Eo no mandry ny reniko antitra any izao hariva izao. Raha nanana zato tapitrisa dolara aho, dia ho nanome ny iraimbilanja tsirairay an’izany aho hiresahana aminy adiny iray. Ho nanome aho. Azo antoka. Ary ahoana moa raha nanana zato tapitrisa dolara izy, inona no soa ho vitan’izany aminy ankehitriny? Tsy misy na inona na inona, hitanareo. Ireo zavatra izay ananany, tsy mamela harenan’ny tany izy. Fa, ity no avelany, mahafantatra ny Tompo Jesosy ho Mpamony izy. Izany ilay zavatra lehibe.

<sup>35</sup> Eo anatrehan’izany aho... Ndao isika rehetra hanao jery todika ny tenantsika izao hariva izao. Ndao isika hieritreritra fotsiny alohan’ny hanombohantsika hivavaka hoe, “Ahoana ny—ny toerako miaraka amin’Andriamanitra izao hariva izao?” Ndao isika hanamarina ao am-pontsika ka hahita. “Tompo, raha nandratra fanahy iray aho androany, raha nahatonga tongotra anankiray ho very lâlana aho, na inona nataoko na nolazaiko izay ratsy, O Andriamanitra, dia mamele ahy ny amin’izany.” Hitanareo? Aoka . . .

Ny finoako miandranda Anao,  
Ianao ry Zanak’ondrin’i Kalvary,  
Mpamony Masina;  
Ankehitriny henoy aho raha mivavaka,  
Esory ny fahadisoako rehetra,  
Ka avelao aho manomboka amin’ity andro ity  
Ho Anao manontolo!

Raha mamindra ao amin’ny lâlala-maizin’ny  
fiainana aho,  
Ka miangona manodidina ahy ireo fahoriania,  
Aoka Ianao no ho Mpitari-dâlako;  
Didio ny aizina hivadika ho andro,  
Fohano ireo tahotry ny alahelo,  
Ka aza mamela ahy ho very lâlana  
Hanalavitra Anao.

<sup>36</sup> Tehirizo amin’ilay lâlana aho, Tompo. Tehirizo eo afovoan’ny Sitraponao aho. Tanora na antitra, tsy fantatray hoe mety ho firy taona ianareo, kanefa mety ho valopolo taona ianareo, ary raha velona hatramin’ny maraina ianareo, dia haharimiaina amin’ny zazalahy sy zazavavy betsaka enina ambin’ny

folo taona ianareo. Hisy zazalahy sy zazavavy betsaka enina ambin'ny folo taona hihaona amin'Andriamanitra alohan'ny misandratr'andro amin'ny maraina. Marina izany. Noho izany dia tsy misy idiran'ny taona amin'izany. Ny zavatra amin'ilay izy dia hoe, vonona ny hihaona Aminy ve ianareo? Izany ilay zavatra lehibe.

<sup>37</sup> Ndao isika hieritreritra an'ireo zavatra ireo raha mbola mivavaka isika ankehitriny, raha manondrika ny lohantsika isika.

<sup>38</sup> O Rain'ny Fiainana Mpiahysy Masina ary Hajaina, miditra ao amin'Ny Fanatrehanao izahay, ilay Andriamanitra Tsitoha, mba hanolotra ny saotra avy amin'ny lalin'ny fonay, fa manana ny tombontsoa izahay hipetraka eto izao hariva izao. Nandeha nandroso sy niverina tao amin'io hopitaly io aho vao teo, ary njery tao anatiny tao, ny amin'ireo olona izay tsy nahatsiaro tena, ny sasany tamin'izy ireo nandeha rà sy niantsoantso, ary ny sasany tany ivelan'ny lohany kanofatorana teo am-pandriana, O Andriamanitra, mivavaka aho mba ho vonona ny tsirairay avy amin'izy ireo, Ray, mba ho vonona ny hihaona Aminao izy ireo raha sendra ka hiala amin'ity fiainana ity. Ary ny mieritreritra, Tompo, fa mety ho izahay izany, ny tsirairay avy aminay eto, raha tsy nohon'ny Fahasoavanao. Fa Ianao no namela anay ho velona mba ho tonga miaraka indray izao hariva izao, mba hanao an'ireo fiomanana. Mandalo ao amin'ny fonay sy ny sainay ireo zavatra ireo ankehitriny, Tompo. Ary raha mbola mizaha ny voan'ny fonay Ianao, raha misy zavatra maloto mikasika anay, Tompo, dia esory izany, Ray. Andriamanitra, atokàny ho Anao ny fanahinay.

<sup>39</sup> Misaotra Anao izahay ny amin'izay rehetra Nataonao sy ho an'izay inoanay fa Hataonao. Ary ho an'io Hazavana izay niseho androany io tany an-tranon-dRanabavy Bruce, dia misaotra Anao aho ny amin'izany, Tompo, hanome tanjaka azy ireo Izany.

<sup>40</sup> Ary ankehitriny, Tompo, mivavaka aho mba Hanekenaio izao hariva izao mba hahavelombelona ny fanahinay tsy ankitsahatra ao amin'Ny Fanatrehanao ato amin'ity tabernakla ity. Misaotra Anao izahay, Ray, ny amin'ity tabernakla ity. Misaotra Anao izahay ny amin'ny pasiterany eto, ny Rahalahinay Neville, lehilahin'ny fanetre-tena, lehilahin'ny fahitsiana, lehilahy izay feno fitiavan'Andriamanitra ho an'i Kristy sy Ny Fiagonany. Mivavaka aho mba Hitahianao azy, sy ny namany maha-te-ho tia, kely, ary ireo zanany. Ary, Tompo, enga anie izy ireo hitoetra ela eo anivonay eto an-tany. Ekeo izany. Hazony ho lavitry ny varavarany'izy ireo ny aretina, ka tehirizo salama izy ireo. Hazony ho lavitry ny varavararanay rehetra ny aretina, Tompo, tehirizo ho salama izahay mba ahafahanay hanompo Anao.

<sup>41</sup> Ary mamestraka ny fanahinay eo ambonin'ny alitara izahay ankehitriny, ho an'ny fizahana ankehitriny, raha hanokatra ny

masoko aho afaka fotoana fohy mba hamaky Ny Teninao, raha izany no Sitrakao, ary anjarako izao hariva izao ny hiezaka hamaky ny Mofon'Aina ho an'ny olona. Ankehitriny, Tompo, ampio aho hilaza zavatra izay hanampy fanahy iray mahantra, sasatra eto izao hariva izao. Ampio izany mba ahafahan'izany ho tenin'ny fanitsiana ihany koa, mba ahafahanay hahafantatra hoe ahoana no hitondranay ny tenanay, inona no tokony hataonay ary ahoana no tokony hiainanay ao amin'ity tontolo ankehitriny ity, raha manantena ny hanao ny Lanitra ho Tranonay izahay. Ekeo izany, Tompo. Ary sitrano ny aretina. Raha misy anankiray eo anivonay, Tompo, izay marary, dia mivavaka izahay mba Hanasitrananao an'izany. Atanjaho ireo izay sasatra. Mivavaka ho azy ireo izahay.

<sup>42</sup> Mivavaka izahay tsy ho an'ity fiangonana ity ihany, fa ho an'ireo fiangonana hafa manerana an'izao tontolo rehetra izao izay anaovana an'ireo vavaka, sy fiangaviana eo anatrehan'Andriamanitra, ary ireo olo-masina aman'aliny maro noana fo miantsoantso hoe, "Avia, Tompo Jesosy, avia!" Oh, azo antoka tokoa fa handre ny antsoantsonay Ianao, Tompo, indray andro any, ka ho avy.

<sup>43</sup> Raha anjaranay ny hodimandry alohan'ny ahatongavan'izany, ilay Fihaviana, dia fantatray fa hotsofina ny trompetra ka ny maty ao amin'i Kristy no hitsangana aloha. Hiseho izahay ka hitsangana ao amin'Ny Fanatrehanao indray andro any. Misaotra Anao izahay ny amin'ity, ary miandry an'izany fotoana izany izahay, ary manomana ny fonay ankehitriny. Fa mangataka an'izany amin'ny Anaran'i Jesosy izahay. Amena.

<sup>44</sup> Ankehitriny, tsy manantena ny hiresaka tena ela aho izao hariva izao, telopolo minitra angamba, na efapolo, eo amin'ny lohahevitra kely iray eto, dia tiako aloha ny hamaky Soratra iray izay hita ao amin'ny Bokin'ny Salamo. Salamo 105, ary mamaky hatrany amin'ny andininy faha-15, manontolo. Raha mbola mamaky an'ity Salamo ity aho, dia tiako ianareo hihaino tsara mihitsy ny famakiana ny Teny, satria tsy ho diso mihitsy ny Tenin'Andriamanitra.

*O isaory ny TOMPO; miantsoa ny anarany: ataovy fantatra eo anivon'ny olona ny asany.*

Eritrereto fotsiny izany ankehitriny!

*...isaory ny TOMPO; miantsoa ny anarany: ataovy fantatra eo anivon'ny olona ny asany.*

*Mihirà ho azy, mihirà salamo ho azy: resaho ny... ireo asany mahagaga.*

*Omeo voninahitra ny anarany masina: aoka ny fon'ireo izay... hifaly izay mitady ny TOMPO.*

*Tadiavo ny TOMPO, sy ny heriny: tadiavo mandrakariva ny tavany.*

*Tsarovy ireo asany mahagaga izay efa nataony; ireo fahagagany, ary ny fitsarany avy amin'ny vavany;*

*O ianareo taranak'i Abrahama mpanompony, ianareo zanak'i Jakoba voafidiny.*

*Izy no TOMPO Andriamanitrareo: manerana ny tany rehetra ny fitsarany.*

*Izy dia mahatsiaro ny fanekeny mandrakizay, ny teny izay voandidiny ho an'ny taranaka arivo.*

*Dia ny fanekena izay nataony tamin'i Abrahama, sy ny fianianany tamin'i Isaka;*

*Ary naoriny ho lalàna ho an'i Jakoba, sy ho fanekena mandrakizay ho an'i Isirael:*

*Nanao hoe, Homeko anareo ny tany Kanana, ho anjara lovanareo:*

*Fony izy ireo izay . . . Fony—fony olom-bitsy izy ireo; eny, tena vitsy, sady vahiny tao.*

*Rehefa nandeha nivoaka izy ireo avy tamin'ny firenena anankiray nankao amin'ny iray hafa, ary avy tamin'ny fanjakana anankiray nankany amin'ny iray hafa . . .*

*Tsy namela olona hanao ratsy azy ireo izy: eny, nananatra mpanjaka izy nohon'ny amin'ireo;*

*Nanao hoe, Aza mikasika an'ireo voahosotro, ary aza manisy ratsy an'ireo mpaminaniko.*

<sup>45</sup> Te-haka lohahevitra iray avy eo aho, hoe: *Fanajana*. Mamaky eto, Davida miantsantso ny Tompo. Fanajana no tokony ananantsika ho an'Andriamanitra. Ary izany no zavatra anankiray izay ho tiako, handentika an'izao ao amin'ny fon'ny olona tsirairay eto izao hariva izao, hoe, amin'ny zavatra rehetra izay hitantsika miseho, dia tsy maintsy manome fanajana an'izany isika. Hitanareo, tsy maintsy manaja an'izany isika. Ary nilaza i Davida fa fony olom-bitsin'i Isiraely izy ireo, angamba Abrahama, Isaka, ary Jakoba, izay resahany, tena olom-bitsy, dia nananatra firenena sy mpanjaka nohon'ny amin'izy ireo Izy. Nananatra an'ireo firenena sy mpanjaka Andriamanitra, nanao hoe, “Aza mikasika an'ireo Voahosotro, ary aza manisy ratsy an'ireo Mpaminaniko.”

<sup>46</sup> Any amin'ny Mpitoriteny, ny toko faha-12 ary ny andininy faha-13, dia tahaka an'izao no voasoratra, hitanareo.

*Ndao isika hihaino ny fehin'ny zavatra manontolo: Matahora an'Andriamanitra, ary tandremo ireo didiny: fa izany no andraikitra feno an'ny olona.*

<sup>47</sup> Ny fehin'ny zavatra manontolo dia ny “matahora an'Andriamanitra.” Ary, rehefa, tsy afaka hanana fanajana

ianareo raha tsy manana tahotra. Tsy maintsy manana tahotra an'Andriamanitra ianareo. Nilaza koa i Solomona, ao amin'ny Ohabolana, hoe:

*Ny fahatahorana an'Andriamanitra no fiandohampahendrena:*

*Ny fahatahorana an'Andriamanitra no fiandohampahendrena:*

<sup>48</sup> Ankehitriny, tsy midika izany fa matahotra Azy ianareo, fa izany dia midika hoe ianareo dia manome Azy "fanajana" sy "fanehoam-panajana." Ary rehefa manaja an'Andriamanitra ianareo, dia matahotra an'Andriamanitra. Matahotra ianareo hoe mety tsy mahafaly Azy ianareo amin'ny fanao iray, matahotra ianareo fandrao hanao zavatra diso. Tsy te-hanao an'izany ianareo.

<sup>49</sup> Matahotra ny reniko aho. Matahotra ny—ny vadiko aho. Matahotra ny fiangonako aho. Matahotra an'ireo mpanompon'Andriamanitra rehetra aho, sao hametraka vato manafintohina iray any ho any eo amin'ny làlan'izy ireo. Izaho—matahotra ny olona aho. Matahotra ny olon'ny tanàna aho, sao aho hanao zavatra diso izay hahatonga azy ireo hieritreritra fa tsy Kristiana aho.

<sup>50</sup> Hitanareo, ianareo dia, alohan'ny ahafahanareo hanana fanajana, dia tsy maintsy manana tahotra ianareo. Ary mitaky an'izany Andriamanitra, mitaky fanajana Izy. Mitaky Andriamanitra, mitaky an'izany Izy. Ary ny tahotra no mitondra an'izany. Ary fantatsika fa ny tahotra mitondra fanajana.

<sup>51</sup> Ankehitriny, alaivo ohatra, ny lehilahy, mpiompy izy na angamba izy dia—dia mpiasan'ny fivarotana iray, nefo tsy misy olona miraharaha azy. Fa avelao izy hahita asa iray ao amin'ny tafiky ny polisy ka midina eny an-dàlambe, ary amin'ny maha—maha-polisy iray miaraka amin'ny famantarany sy manao fanamiana, (fa, angamba tsy te-hiresaka taminy ny olona iray ny andro teo aloha), "Akory, eo, John! Manao ahoana ianao?" Hitanareo? Nahoana izany? Karazana fahatahorana iray izany, na tahotra iray, na fanajana iray, nohon'ny amin'izany. Angamba voafidy ho ben'ny tanàna izy, na angamba...

<sup>52</sup> Ho iza ny Filoha Kennedy izao hariva izao, raha tsy Filoha Kennedy izy? Ahoana moa raha ilay lehilahy iray ihany fotsiny izay maha-izy azy izy, kanefa mpiasa iray izay niasa tao amin'ny Colgate tetra izy tamin'ny efapolo dolara isankerinandro? Hitanareo? Ho nitety ny tanàna eto izy fa tsy hisy olona hiraharaha betsaka azy, afa-tsy ireo mpiara-miasa aminy manokana fotsiny ihany. Saingy, satria Filohan'i Etazonia izy, dia mendrika fanajana, hitanareo.

<sup>53</sup> Ary izany, ary satria Andriamanitra no Andriamanitra, dia mendrika fanajana Izy. Marina izany. Ary Izy, tsy maintsy manaja Azy isika, ary manana tahotra Azy. Ary izany no

mitondra fanajana. Nitaky an'izany ho an'ny Tenany sy ho an'ireo Mpanompony rehetra Andriamanitra. Mitaky fanajana ho an'ireo Mpanompony Andriamanitra. Izy, ireo Mpanompony, ahoana no ahafantarantsika fa Mpanompony izy ireo, satria manamarina an'ireo mpanompo ireo amin'ny alàlan'Ny Teniny Izy. Maka an'ireo mpanompo ireo Izy ary manao azy ireo ho mpanompon'Andriamanitra, ka manaporofa mpanompo izy ireo, amin'ny fanaovana Ny Teniny hiasa amin'ny alàlan'ireo mpanompo ireo. Noho izany rehefa manaja an'io mpanompo io ianareo, dia manaja an'Andriamanitra. Noho izany rehefa manaja anareo aho ary ianareo manaja ahy, ary mifanaja isika, amin'izay fotoana izay dia manaja an'Andriamanitra isika.

<sup>54</sup> Tsy nilaza ve Jesosy hoe, “Arak’izay nataonareo tamin’ireto madinika ireto, ireto Madiniko ireto, no nanaovanareo an’izany Tamiko. Ka tsaratsara kokoa ho anareo ny nanantonana vato fikoseham-bary eo amin’ny tendanareo, ka atsipy ao amin’ny fanambanin’ny ranomasina ianareo, toy izay hanafintohina ny iray amin’izy ireo. Fa Lazaike aminareo, indro ny tavan’izy ireo... Ny anjelin’izy ireo dia mibanjina isan’andro ny tavan’Ny Raiko izay any An-danitra”? Ankehitriny, fantatsika fa izy ireo, fa isika, satria zanak’Andriamanitra, dia ampanhan’Andriamanitra isika. Ary mitaky an’izany fanajana izany Andriamanitra. Ary amin’izay fotoana izay dia asehon’Andriamanitra hoe iza ireo Zanany. Izy—Asehony amin’ny alàlan’ireo fahagagana sy famantaranana izany, ary izany no miseho.

<sup>55</sup> Ankehitriny, hanomboka isika ankehitriny ka handinika ny sasany amin’ireo olona ireo. Ankehitriny, raha tsy maintsy hilaza aho, ho an’ny anankiray, mba hanombohana, dia hieritreritra an’i—an’i... Ndao alaintsika i Noa, vetivety. Ankehitriny, nanana fanambarana iray avy tamin’Andriamanitra i Noa, kanefa nifanohitra tamin’ny zavatra rehetra izay nopofofin’ny siansa ho marina izany. Kanefa niresaka tamin’Andriamanitra izy, ary Andriamanitra niresaka taminy. Ary nanomboka nanamboatra sambofiara iray izy. Fa, ireo mpamingavinga sy mpaneso, araka ny nolazain’ny Baiboly fa hisy izy ireo amin’ny andro farany tahaka ny nisian’izy ireo tamin’ireo andro ireo, hoe namingavinga an’i Noa ireo mpamingavinga ireo. Nahoana, nihevitra izy ireo fa tany ivelan’ny lohany izy satria nanorina sambofiara iray. Noho izany, saingy nitondra fitsarana teo amin’ireo mpamingavinga ireo Andriamanitra, satria tsy te-hihaino an’ilay irak’Andriamanitra izy ireo ka hiditra tao anatin’io sambofiara io teo ambanin’ny toriteniny, noho izany dia nandefana ny Fitsarany Masina teto ambonin’ny tany Andriamanitra. Nanao fanomanana iray ho an’ny rehetra izay handray an’izany Izzy aloha, mba handosirana an’izany, ary avy eo raha tsy nandositra an’izany izy ireo, dia zavatra anankiray ihany no tavela. Raha tsy handray ny fanomanam-

pandosiran'Andriamanitra izy ireo, amin'izay fotoana izay dia zavatra anankiray ihany no tavela, izany dia ny fitsarana Masina.

<sup>56</sup> Zavatra anankiroa ihany no azonareo atao, izany dia na famindrampo na fitsarana. Tsy maintsy manaiky an'ilay anankiray ianareo na ilay hafa. Eo no itsanganantsika izao hariva izao. Na isika handray ny famindrampon'Andriamanitra na isika hahatanty ny Fitsarany. Tsy misy fomba ialana amin'izany mihitsy. Manao lâlana iray handosirana foana Andriamanitra ho an'ireo maniry handositra. Avy eo Izy dia... Izay tavela, dia tsy maintsy hahatanty ny fitsarana. Tsy hoe Andriamanitra no te-hanao azy ireo ao, fa satria izy ireo no nifyd an'izany lâlana izany samirery. Hitanareo, manao ny safidiny manokana izy ireo. Eo no itsanganantsika izao hariva izao, ry sakaiza, ilay zavatra iray ihany. Afaka isika na handray ny lâlam-pandosiran'Andriamanitra, na afaka isika hahatanty ny Fitsarany, ny anankiray izay tiantsika hatao. Tsy faly ve ianareo izao hariva izao fa nandray an'ilay lâlam-pandosirana? Satria, izay rehetra nandà an'ilay lâlam-pandosirana, dia tsy maintsy ho tonga eo ambanin'ny fitsarana.

<sup>57</sup> Avy eo dia misy lehilahy hafa iray izay tiako horesahana. Nisy mpaminany lehibe, mahery iray amin'ny anarana hoe Mosesy. Ny vahoaka (Isiraely) dia tokony nahazo, araka ny Soratra, fa hanafaka azy ireo Andriamanitra ary hamoaka azy ireo avy ao Egypta. Fa vantany vao nanao ny Lehilahiny ho vonona Andriamanitra ka nandefa azy nankany Egypta, dia tsy nanana fanajana azy izy ireo. Nolavin'izy ireo izy, ka nanao hoe, "Hamono anay tahaka ny namonoanao an'ilay Egyptiana ve ianao?" izay nahatonga azy ireo hijanona tao amin'ny fanandevozana efapolo taona amboniny. Nijanona tao amin'ny fanandevozana izy ireo satria nandà ny hanaja an'ilay mpanafaka izay tonga hanafaka azy ireo. Izany no namerina azy ireo tao amin'ny fanandevozana indray. Tsy hoe satria Andriamanitra no tia ny hijanonan'izy ireo, (marina tokoa ilay fotoana), fa nijanona efapolo taona amboniny izy ireo satria nandà ny hanaiky ny lâlana nomanin'Andriamanitra handosirana.

<sup>58</sup> Toy ny ahoana no inoako fa izany ilay olana izao hariva izao. Ilay zavatra iray ihany, hitanareo.

<sup>59</sup> Hoe nandà an'ilay lâlana fivoahana izy ireo, ka nanapakevitra Andriamanitra, ary niteny tamin'i Abrahama sy izy ireo tao amin'ny Fanekeny (araka ny amakiantsika ny hiran'i Davida mikasika an'izany izao hariva izao), Izy no nampanantena azy ireo fa hanao zavatra anankiray Izy, noho izany dia hihazona ny Fampanantenany Andriamanitra. Hamoaka azy ireo Izy, na ahoana na ahoana, saingy angamba saiky taranaka hafa iray no maty tanteraka. Ilay taranaka fahiny izay nihomehy an'i Mosesy, sy ny sisa, ary tsy te-hanaiky an'ilay Hafatra, io taranaka io

(efapolo taona) dia maty tanteraka, ka niditra nankao amin'ny taranaka hafa iray i Mosesy. Hitanareo ve izay tiako lazaina? Raha tsy manaiky an'izany izy ireo, amin'izay fotoana izay dia hamela an'io taranaka io ho faty Andriamanitra ka hampiditra taranaka iray hafa hanao an'izany Izy. Noho izany, nolavin'izy ireo izany. Ary noho izany dia hitantsika, io taranaka manaraka izay tonga io, rehefa nidina tany i Mosesy mba hanamarina ny tenany . . .

<sup>60</sup> Fantatrareo, natahotra ny handeha hidina indray i Mosesy. Valopolo taona i Mosesy ankehitriny, ary efapolo taona no nialàny. Ary rehefa niresaka tamin'Andriamanitra izy teo amin'ilay roimemy nirehitra, dia hoy izy hoe, "Iza no hoteneniko amin'izy ireo fa naniraka ahy?" Tsy nanana anarana Andriamanitra. Hoy izy hoe, "Iza no hoteneniko amin'izy ireo fa naniraka ahy?" Hoy izy, "Raha milaza aho hoe, 'Ilay Andriamanity ny razanareo no niseho tamiko,' dia hilaza izy ireo hoe, 'Iza ilay Andriamanity ny razanay?' Eny, inona no hoteneniko amin'izy ireo?"

<sup>61</sup> Hoy Izy hoe, "Teneno amin'izy ireo hoe 'IZAHO IZAY IZY NO IZY.' Teneno amin'izy ireo hoe 'IZAHO IZAY IZY NO IZY.'" Dia hoy Izy hoe, "Inona iny eny an-tànanao iny, ry Mosesy?"

<sup>62</sup> Hoy izy hoe, "Tsorakazo iray." Dia natsipiny izany ka nivadika ho menarana iray. Ary napetrany tao an-tratrany ny tànany, ka nivadika habokana izany; ary naverina, dia sitrana.

<sup>63</sup> Hoy Izy hoe, "Mandehana midina, ary ento ireo famantarana ireo ka tanteraho eo anatrehan'ny olona izy ireo, ary ho fanamarinana iray izany. Ho fantattr'izy ireo amin'ny alalan'ireo famantarana ireo fa Izaho no naniraka anao ho an'ny fanafahana." Oh, rahalahy! Manao an'izany foana Andriamanitra. Manome an'ireo famantarana ivelan'ny voajanahary foana Andriamanitra. Hitanareo?

<sup>64</sup> Ary ankehitriny rehefa nidina izy ka niantso ny olona, ary nanao an'ireo famantarany teo anatrehan'izy ireo, dia nino ny Isiraelry rehetra, ny tsirairay avy tamin'izy ireo. Ary izy ireo dia nandeha nankany an-dapa avy hatrany, ihany koa, ho an'ny fanafahana. Ary tamin'izay fotoana izay dia nanapa-kevitra i Farao fa tsy hanome fanafahana azy ireo izy, ka nandatsaka fitsarana teo amin'i Farao Andriamanitra. Ary fantatsika izay nitranga tany Egypta.

<sup>65</sup> Hafahafa, rehefa avy nahita an'ireo famantarana rehetra ireo nitranga izy ireo, ary avy eo dia tonga teo amin'ny Ranomasina Mena, ka nahita fa ilay tena Andriamanitra izay nanatanteraka an'ireo famantarana rehetra ireo mihitsy, indro teo amin'ny Ranomasina Mena, dia nisalasala an'Andriamanitra, ilay tena zavatra voalohany mihitsy, hoe mahay manao lâlana iray handosirana Izy.

<sup>66</sup> Ankehitriny, eo no anaovantsika ny fahadisoantsika. Rehefa mameley antsika ny aretina kely iray, rehefa loza kely iray, na olana kely iray no mameley antsika any ho any eo amin'ny lâlana, amin'izay fotoana izay dia mihemotra isika. Tanora iray niova fo; haneso azy ny olona iray, hanao hoe, “Eny, tsy misy afa-tsy holy roller iray ianao.”

<sup>67</sup> “Eny, halako ny hantsoina hoe holy roller iray.” Hitanareo, hitanareo, eo ianareo izao, tratran’io fisalasalana io ianareo.

<sup>68</sup> Izany ilay fotoana hitsanganana eo! Izany ilay fotoana hitsanganana, hanajana an’ilay iraka. Izany ilay fotoana ha—hanomezana voninahitra an’Andriamanitra.

<sup>69</sup> Dia hoy i Mosesy hoe, “Izaho dia efa nanao an’ireto, sahadys, fahagagana folo teo anatrehanareo. Ary efa nanome anareo fahagagana folo Andriamanitra, nefy avy eo dia matahotra an’ilay ranomasina ianareo. Izany tokoa. Inona koa no mbola ilaina mba hinoanareo?” Niverina izy, ary naka ny tehiny ka nihazona an’izany teo anatrehan’ilay ranomasina, dia tonga ny tafio-drivatra ka nitsoka an’izany nankeny amin’ilany hafa, ary niampita izy ireo. Ary vantany vao tonga teo izy ireo, dia nanomboka nitaraina avy hatrany hoe tsy nanana mofo izy ireo. Hitanareo, ilay zavatra iray ihany fotsiny. Avy eo dia nandraraka mofo avy tany an-danitra ho azy ireo Andriamanitra. Avy eo dia nitaraina izy ireo hoe tsy nanana rano, ary fitarainana iray aorian’ny iray hafa fotsiny. Ary voamariko . . .

<sup>70</sup> Hoy ianareo hoe, “Eny, karazana tsy niova fo angamba izy ireo.” Eny, angamba izany izy ireo. Nisy vahoaka betsaka nifangaro nandeha niaraka tamin’izy ireo, marina.

<sup>71</sup> Fa tiako ny hitondra zavatra iray hafa ao amin’ny—ny fahatsiarovanareo. Raha nandefa an’ilay iraka Andriamanitra, ka nanamarina, tamin’ny alàlan’ireo famantarana, hoe izy no iraka nirahina avy tamin’Andriamanitra, amin’izay fotoana izay dia miankina amin’izy ireo ny mankatò an’io iraka io. Marina tokoa. Tsy maintsye mankatò an’ilay iraka izy ireo ary manana fanajana an’io iraka io. Jereo i Josoa sy Kaleba, nijanona tsara teo anilany izy ireo. Eny, tompoko. Na inona na inona nataon’i Mosesy, izy ireo dia nanao an’izany, ihany koa. Na marina i Mosesy na diso, dia nijanona tsara niaraka taminy izy ireo, na ahoana na ahoana, hitanareo, satria fantatr’izy ireo fa io no irak’Andriamanitra.

<sup>72</sup> Ary tany, indray andro, hitantsika fa na i Miriama aza, mpaminanivavy iray, sy Arona, ilay mpisoronabe, dia naneso ny vadim’i Mosesy satria Etiopiana iray izy, ka nieritreritra hoe, “Tsy misy vehivavy betsaka ve an’ny vondrontsika, ho vadiana, raha tokony handeha eo ka hanambady an’io vehivavy io?” Tsy safidin’i Mosesy izany; safidin’Andriamanitra ho an’i Mosesy izany. Ary rehefa naneso an’izany izy ireo, dia nahatezittra an’Andriamanitra ny tahaka an’izany hany ka namely an’i

Miriama Izy, ilay mpaminanivavy, feno habokana, ny anabavin'i Mosesy manokana. Ahoana ny amin'izany? Izy, mpaminanivavy iray, saingy inona no nataony? Naneso izy ary tsy fanajana ny irak'Andriamanitra, ilay iraky ny fanekena an'io andro io. Ary tsy nanaja izy. Ary Arona ihany koa, ilay mpisoronabe, ilay tena mpitondra tenin'i Mosesy, marina, niaraka taminy izy.

<sup>73</sup> Ary Arona avy eo, rehefa nahita ny anabaviny tratran'ny habokana, dia nandeha izy ka niteny tamin'i Mosesy hoe, "Hamela ny anabavinao manokana ho faty ve ianao?"

<sup>74</sup> Dia niditra tao amin'ny tabernakely i Mosesy ka niankohoka teo anatrehan'ny Tompo, ary nanomboka nitomany sy niantso an'Andriamanitra, hamindra fo ho an'ny anabaviny. Dia nidina ny Fanahin'ny Tompo ka nanao hoe, "Antsoy i Arona sy Miriama hitsangana eto Anatrehako." Oh, oadray!

<sup>75</sup> Mitaky fanajana Andriamanitra! Mandefa Ny Hafany Andriamanitra, henoy Izany ary hajao Izany. Aza miraharaha raha miantso an'Izany ho andiana holy-rollers izy ireo, na inona no iantsoan'izy ireo an'Izany; avelao izao tontolo izao hanao izay tiany atao. Fa ianareo kosa manomeza fanajana!

<sup>76</sup> Noho izany, nitsangana teo i Miriama. Hoy Andriamanitra hoe, "Antsoy i Miriama ary antsoy i Mosesy...na antsoy eto i Arona, ny rahalahinao sy anabavinao, hitsangana eto Anatrehako."

<sup>77</sup> Ary rehefa tonga teo anatrehan'Andriamanitra izy ireo, dia hoy Andriamanitra hoe, "Tsy matahotra an'Andriamanitra ve ianareo?" Nolazainy tamin'ilay mpisoronabe sy i Miriama mpaminanivavy izany. Hoy Izy, "Raha misy anankiray, lehilahy iray eo anivonareo, izay ara-panahy na mpaminany iray, dia Izaho Tompo no hampahafantatra aminy ny Tenako. Hiresaka aminy amin'ny fahitana Aho ary hanambara aminy ny Tenako ao amin'nynofy, sy ny sisa, raha ara-panahy na mpaminany iray izy." Fa hoy Izy, "Mosesy Mpanompoko, miresaka aminy avy amin'ny molotra mankao amin'ny sofina Aho." Hoy Izy, "Tsy matahotra an'Andriamanitra ve ianareo?" Amin'ny teny hafa, "Rehefa miresaka mikasika an'i Mosesy ianareo, dia miresaka mikasika Ahy. Raha tsy afaka manaja an'i Mosesy ianareo, dia tsy manaja Ahy." Hoy Izy, "Tsy efa Noporofoiko teo anivonareo ve fa Mpanompoko izy? Nefo ianareo tsy nanana fanajana azy mihtisy."

<sup>78</sup> Ho lesona iray toy ny inona izany ho an'ny olon'izao andro izao, tsy misy fanajana, tsy misy haja!

<sup>79</sup> Hoy Izy ankehitriny hoe, "Ary satria tsy nanao an'izany ianao, dia izany no antony nahazoanao habokana. Izany no antony nahatonga an'ireo zavatra ireo," hoy Izy, "satria tokony ho nahafantatra ianao fa Mpanompoko io. Tena mahafantatra ianao, noho izany rehefa milaza zavatra manohitra azy ianao dia milaza an'izany manohitra Ahy."

<sup>80</sup> Noho izany dia nivavaka i Mosesy mba hitehirizana ny ainy, ka nitahiry ny ainy Andriamanitra. Tsy velona tena ela izy taorian'izany, maty izy. Fa nodiovina tamin'ny habokany izy, ary navoakà tany ivelan'ny toby nandritry ny fito andro, fantatrareo, nohon'ny... nohon'ny nananana an'izany, ho fanadiovana, nanao ny tenany hadio indray tamin'ny habokany. Nanasitrana azy Andriamanitra.

<sup>81</sup> Fa ny Niezahany ho azon'izy ireo, dia ity, "Tsy maintsy manaja an'izay Ataoko ianareo."

<sup>82</sup> Ary raha izany no toetran'Andriamanitra tamin'izany andro izany, ary tsy mety miova Andriamanitra, dia tian'Andriamanitra isika hanaja an'izay Ataony. Mitaky an'izany Izy. Hoy Izy, "Na ianareo manaja an'izany na hisy zavatra hafa hitranga."

<sup>83</sup> Niteny tamiko ny lehilahy iray indray andro, nilaza izy fa izaho... Lehilahy mahantre iray, mamafa ao amin'ny tsena eto, ho an'ny fivelomana. Tratry ny fikorontanan-tsaina izy, tao amin'ny toerana iray tena ratsy. Loterana izy amin'ny finoana, ary nanao fandraisana izy ireo. Tena tsy afaka nandeha loatra hatrany am-piangonana izy, noho izany dia naka taxi izy. Nilaza izy fa nandoa valo cents izy handehanana ary valo cents hiverenana. Ny mpiara-monina aminy, tena ratsy fanahy, dia nahita azy nivavaka ny Vavaky ny Tompo indray maraina, ka nihomehy azy, naneso azy. Nilaza tamin'io mpiara-monina io izy, nilaza tamin'io lehilahy io izy, nanao hoe, "Nandeha taiza ianao tao amin'ny taxi iray aninkeo maraina?"

Hoy izy, "Fandraisana izany. Nandeha tany am-piangonana aho."

Hoy izy hoe, "Inona ny fandraisana?"

Hoy izy, "Rehefa mandray ny mofo sy divay izahay."

<sup>84</sup> Hoy izy hoe, "Izaho dia nanana ny ahy, ihany koa, aninkeo maraina teo amin'ny latabatra, tamin'ny silaka mofo iray sy antsasaka whisky." Hitanareo?

<sup>85</sup> Fantattro ny amin'ireo zazalahy telo, indray mandeha, izay naneso ny fandraisana tao am-piangonana, mahafantatra ny amin'izy ireo. Ary nandeha izy ireo nankao amin'ny—ny efitry ny hotely ary naka mofo misy hena fehin-kisoa vitsivitsy sy whisky iray tavoahangy, ary nanao ny fandraisan'izy ireo tao, naneso an'ilay fandraisana izay nataon'izy ireo tao amin'ny fiangonana Pentekotista iray. Telo volana latsaka nanomboka teo, izy telo rehetra dia tsy maintsy... maty ny iray tamin'izy ireo, ary tao amin'ny toerana fitsaboana adala ny roa.

<sup>86</sup> Tsy afaka tsy hanaja an'Andriamanitra ianareo! Tsy maintsy manaja an'Andriamanitra ianareo. Raha tsy mino an'izany ianareo, dia mipetraha tsara fotsiny, mialà lavitra an'izany. Na, na manao an'izany, na tonga am-panajana ka manaja an'izany.

Aza maneso ny olona ao amin'ny Fanahy. Aza miresaka mikasika ny olona izay mivavaka amin'ny Fanahin'Andriamanitra. Avelao izy ireo hipetraka tsara.

<sup>87</sup> Nitsangana teny amin'ny zoron-dàlana aho, nitory teny, taona vitsy lasa izay, raha zazalahy mpitory teny iray. Ary nisy vehivavy iray nandalo, Katolika amin'ny finoana izy; saingy fantatro fa ny—ny vadiny dia Katolika, izy tsinontsinona. Ary vehivavy iray tena tsara tarehy, manja, tsara jerena, teo amin'ny roapolo taona teo, roa amby roapolo. Fantatro izy raha mbola zazavavy iray teto amin'ny tanàna. Ary nandalo izy ka nitsangana tany, ka hoy izy hoe, “Tsy hamela ny ombivavy fiompiko banana ny fivavahana izay ananan'i William Branham aho.”

<sup>88</sup> Ary ny hariva manaraka, talohan'ny nahafahako nandeha nankany aminy, reko fa teo am-pahafatesana tao amin'ny hopitaly izy, ary tsy mbola fantattro hoe inona no namono azy. Teo am-pahafatesana tao amin'ny hopitaly izy tany, ka tonga naka ahy ny vadiny. Nilaza izy...Katolika iray izy. Ary tonga izy, hoy izy hoe, “Tongava haingana ka manaova vavaka iray ho an'ny vadiko, efa niantso anao nandrity ny hariva manontolo izy, eo am-pahafatesana izy.”

<sup>89</sup> Eny, hoy aho hoe, “Handeha aho.” Dia niditra tao anaty fiara aho ary nandao ny fivoriana, ka nandeha nankany amin'ny hopitaly. Ary niakatra teo amin'ny tohatra aho, nifanena tamin'ilay mpampivelona aho, ka hoy izy hoe, “Efa maty izy.”

Dia hoy izy hoe, “Avia, manaova vavaka iray ho azy, na ahoana na ahoana.”

Hoy aho hoe, “Maty izy.”

Hoy izy, “Manaova vavaka iray, na ahoana na ahoana.”

“Tsy hahavita soa ho azy ireo izany ankehitriny.”

Hoy izy, “Eny, avia hijery azy.”

<sup>90</sup> Dia nandeha aho. Nanana an'ilay mainty menamena izy, mino aho fa izy ireo dia miantso an'izany hoe, volo volomparasy. Vehivavy tena manja, panda vitsivitsy nanerana ny tarehiny teto, niaraka tamin'ny maso volontany goavana be. “Ary io vehivavy io,” hoy ilay mpampivelona, “Billy, maty tao amin'ny fanaintanana mafy izy hany ka niantsoantso ny anaranao mafy arak'izay vitany izy, ka nanao hoe, ‘Teneno izy hamela ahy,’ hany ka niseho teo amin'ny tarehiny tahaka ny votsy ireo panda.” Ary nivoaka ireo maso goavana ary nikatona tapany teo ambonin’izy ireo ny voamasonry. Mazava ho azy, fantatrareo izay mitranga rehefa maty ny olona iray, mihetsika ny voany sy ny tsinainy, ary teo izy nisy entona fotsiny nanerana ny rehetra. Ary maty tao amin'ny fanaintanana tahaka an'izany satria...tsy hoe satria tsy nanaja ahy izy, fa tsy nanaja ny Filazantsara izay notoriako, ary nanatanteraka famantarana sy fahagagana Andriamanitra.

<sup>91</sup> Fotoana vitsy lasa izay tany New Albany, raha nitsangana tany aho niresaka tamin'ny mpanota iray, mitarika azy nankeo amin'i Kristy, lehilahy antitra goavana iray misy kitrontanana tao amin'ny garazy, lehilahy iray izay sakaizako, ny vinantolahiny no manao an'ilay garazy eo amin'ny ilany. Nitsangana tany aho nitory teny tamin'ny ora fisakafoanana hariva, nihinana mofo misy hena ary niresaka taminy mikasika an'Andriamanitra. Nandritry ny tontolo andro no nitadiavako tany ho any an'izay azoko handehanana amin'ny fotoana fisakafoanana hariva ka hiezaka hahazo fanahy iray ho an'i Kristy. Hoy izy hoe, "Atoa. Branham," hoy izy. Tovolahy mpitoky teny iray fotsiny aho, ny tenako. Hoy izy hoe, "Atoa. Branham," hoy izy, "nanana an'io karazana fivavahana io ny reniko, io fivavahana mahakasika fo io." Ary nikoriana teo amin'ny takolany ireo ranomaso.

Hoy aho hoe, "Hafiriana no nahalasanany?"

Hoy izy, "Taona maro. Nivavaka ho ahy foana izy."

<sup>92</sup> Hoy aho hoe, "Ilay Andriamanitra izay nandre an'ireo fivavany dia miezaka mamaly azy ireo ho azy izao ankehitriny izao."

<sup>93</sup> Dia tonga teo io lehilahy io, hoy izy hoe, "Akory." Mamo izy. Hoy izy, "Hey, Billy, henoy." Hoy izy, "Amin'ny fotoana rehetra tianao ahatongavana any amin'ny garaziko," hoy izy, "dia tongava, saingy," hoy izy, "aza mitondra an'io fivavahanaao holy-roller fahiny io any."

<sup>94</sup> Nitodika aho ary njery azy, hoy aho hoe, "Na aiza na aiza no misy an'i Kristy tsy tonga soa, dia tsy ho any aho."

<sup>95</sup> Ary noho izany dia nitodika izy ka nanao hoe, "Ah, miverena amin'ny tenanao, ry tovolahy!"

<sup>96</sup> Ary nandre fotsiny tao am-poko aho, Feo iray nanao hoe, "Mijinja an'izay afafinao ianao. Tsaratsara kokoa ho anao ny anantonana vato fikoseham-bary iray eo amin'ny tendanao, ka atsipy any amin'ny fanambanin'ny ranomasina." Ary ny vinantolahiny, tamin'io tolakandro io mihitsy, no nanitsaka azy tamin'ny kamiao Chevrolet nitondra entana roa taonina, ary nanorotoro azy teo amin'ny tany.

<sup>97</sup> Hitanareo, tsy maintsy manaja an'Andriamanitra ianareo. Tsy maintsy manao ianareo, ianareo...Mitaky fanajana Andriamanitra, ary mitaky an'izany Izy.

<sup>98</sup> Ary noho izany dia tokony nahafantatra tsaratsara kokoa i Miriama. Noho izany dia tokony i Mo-...tokony nahafantatra tsaratsara kokoa i Arona, noho ny nahafantatra an'io, hoe Mosesy dia notarihin'ny Fanahin'Andriamanitra hanao an'izay hataony.

<sup>99</sup> Nanoratra taratasy iray ho ahy ny mpitoriteny Batista iray andro vitsy lasa izay, avy eto. Oh, raha tsy namotika ahy teo

ambonin'ny vain'afو mantsy izy! Hoy izy hoe, "Zalahy iray izay kamo tahaka anao ve! Asam-panompoana iray izay hitovy amin'i Elia, ireo mpaminany," hoy izy, "nefa avy eo mahita anao mipetraka any an-trano, tsy manao na inona na inona!"

<sup>100</sup> Noho izany dia niasa ho mpitan-tsoratra i Billy tamin'io fotoana io, nanoratra taratasy iray ho azy izy namaly. Ary noho izany dia nieritreritra izy hoe, "Eny, mino aho fa hamaly azy fotsiny aho," hoy izy. Saingy nihevitra izy fa tsaratsara kokoa ho azy ny hamela ahy hamaky an'izany alohan'ny hamaliany azy. Fa nisy diplomaosia betsaka tao anatin'izany. Hoy izy hoe, "Ankehitriny, tsy ny dadako ity, izaho ity." Hoy izy, "Vao avy nilaza ianao fa nanana asam-panompoana iray nitovy tamin'ny an'i Elia i dada." Dia hoy izy, "Nilaza ianao fa nipetraka teo amoron'ny helodrano iray tany ho any izy, niaraka tamin'ny fintana teny an-tanany, na tany an-tendrombohitra, niaraka tamin'ny basy teny an-tanany." Hoy izy, "Inona no holazainao mikasika an'i Elia rehefa nipetraka teo akaikin'ny renirano iray nandrity ny telo taona izy?" Hoy izy, "Tsy fantatrao ve fa notarihin'ny Fanahin'Andriamanitra izy ireo hanao an'izay nataony?" Hitanareo, ny olona rehetra dia te-hanao an'ilay izy amin'ny fanaony manokana. Fa tsy mantsy tarihin'ny Fanahin'Andriamanitra ny olona, ary tsy mantsy manome fanajana an'izany ianareo. Izay ihany.

<sup>101</sup> Teto indray andro, fanahy sarobidy iray, teto an-tanàna, nahita rahalahy hafa iray, hoy izy hoe, "Aiza i Bill?"

Hoy izy hoe, "Lasa any Canada izy."

Hoy izy hoe, "Ataoko fa lasa nihaza izy?"

Hoy izy hoe, "Eny, hihaza izy."

Hoy izy, "Ah, fahadalana izany karazan-javatra izany!"

<sup>102</sup> Eny àry, io lehilahy io, tsy nahafantatra fa teo ambanin'ny herin'ny Fanahy Masina aho, tamin'ny alàlan'ny fahitana iray hoe HOY NY TOMPO HOE, mba handeha. Inona no hataonareo amin'ny Andron'ny Fitsarana? Inona no soa hataon'izany, ny handehanako eo amin'ny sisim-pandrian'io lehilahy io ka hivavaka ho azy? Voalohany, tsy mino ahy izy. Ary ny olona, rehefa tonga eo izy ireo ka milaza an'ireo zavatra ireo, toy ny hoe tsy fantattro fa tsy mino an'Izany izy ireo. Na dia mikapokapoka anareo ao amin'ny lamosina aza izy ireo ka miantsosanareo hoe "rahalahy," kanefa dia fantatrareo fa tsy mino an'Izany izy ireo. Hitanareo? Tsy mino an'Izany izy ireo. Ary afaka mahazo ianareo... Tsy misy zavatra anankiray azonareo atao ho azy ireny. Hiantso anareo izy ireo hoe, "avia hivavaka," saingy tsy mahavita soa izany. Satria, hitanareo, tsy manaja an'Izany izy ireo. Tsy mantsy mino an'Izany ianareo. Diniho ireo izay efa, mino marina tokoa ary jereo izay mitranga. Hitanareo, tsy mantsy manaja an'Izany ianareo.

<sup>103</sup> Jezebela, tamin'ny andron'i Elia, toy ny ahoana no tsy nanajany an'i Elia! Ahoana izy... Elia tokoa no pasiterany. Azo antoka. Oh, tsy te-handray azy izy. Mamindrà fo, tsia! Izy dia—athée iray izy, na tsy mahatoky iray, na—na mpanompo sampy iray. Ary nanana an'ireo mpisorona mpanompo sampiny manokana izy. Kanefa Elia no pasiterany, Andriamanitra no nandefa azy tany mba ho pasiterany. Pasitera izy raha... Raha nivazavaza azy izy ary niteny taminy ny amin'ny fahotany rehetra, kanefa pasiterany izy. Tsy te-handray an'izany mihitsy izy, fa, ary tsy nanaja azy izy. Nankahala azy izy! Azo antoka, nankahala izy. Ary inona no nitranga taminy? Navelan'Andriamanitra nihinana azy teny an-dàlambe ireo alika. Marina izany. Satria inona? Tsy nanaja ny Hafatra izay notorian'i Elia izy.

<sup>104</sup> Mitaky fanajana Andriamanitra. Tsy maintsy manana an'izany ianareo. Raha mba te-hahazo zavatra avy amin'Andriamanitra ianareo, dia hanaja an'Andriamanitra. Ary tsy maintsy manao an'izany avy amin'ny fonareo ianareo, ny fanambanin'ny fonareo. Tsy maintsy ataoareo izany.

<sup>105</sup> Fa tsy nanaja an'Andriamanitra izy satria tsy nanaja ny Mpaminaniny. Ankehitriny, fantany fa mpaminany iray i Elia. Tsy nanana na inona na inona izy ireo tao Isiraely afaka nitaha tamin'i Elia. Nahoana, tanteraka teo anatrehan'Andriamanitra ireo fahitany sy ny zavatra rehetra. Ary izy, saingy nanameloka azy ireo izy. Mamindrà fo, eny! Nankao amin'ny anaram-piagonana tsirairay izy, ny zavatra hafa rehetra. Ary ny zavatra rehetra izay nantsoina hoe fahotana, dia nomelohiny izany, nanomboka tamin'ny kely indrindra ka hatramin'ny lehibe indrindra, mpanjaka sy ny rehetra, tsy nisintona totohondry tamin'ny iray tamin'izy ireo izy. Fa tokony nahafantatra izy ireo fa mpaminany iray izy. Tsy afa-nanoatra fotsiny izy ireo. Eny, tompoko.

<sup>106</sup> Niezaka niampanga azy nohon'ny hain-tany mihitsy aza i Ahaba. Ary nivavaka tamin'Andriamanitra izy mba handefa hain-tany. Eny, nivavaka izy. Ary hoy izy hoe, "Manana fahefana aho ka hanidy ny lanitra; tsy hisy ranonorana akory aza, na ando hilatsaka, raha tsy izaho no miantso azy."

<sup>107</sup> Azonareo eritreretina ve io Jezebela kely niaraka tamin'ny tarehy miloko io, nijadojadona nandroso-sy-niverina teo amin'io gorodona io, "Io mpihatsaravelatsihy antitra io! Io mpihatsaravelatsihy antitra io, manao an'ireto ankizy kely eto ireto hijaly," sy ny rehetra tahaka an'izany. Niezaka nitondra azy ireo hiverina amin'Andriamanitra i Elia, niezaka nahazo firenena iray hiverina amin'Andriamanitra. Hitancareo? Ary toy ny hoe... Afaka niteny tamin'ny vahoaka izy hoe, "Ny tianareo tenenina amiko ve dia hoe hino lehilahy iray tahaka an'izany ianareo, izay hanidy ny tany tahaka an'izao, ka tsy hisy ranonorana akory na ando? Ary ny fihatsarambelatsihiny

rehetra sy ny mosaviny eo,” na inona tiany niantsoana azy. “Ary izy tsy misy afa-tsy mpa—mpamosavy iray fotsiny na mpanao fankatoavana, na zavatra iray. Nanidy ny lanitra izy ka tsy hanorana izany, manao an’ireto olona ireto hijaly. Nefa ve milaza ianareo avy eo fa izany no sitrapon’Andriamanitra?”

<sup>108</sup> Izany no sitrapon’Andriamanitra! Tsy mampaninona na inona, hitanareo, ianareo tsy maintsy mijery an’izany... Tsy maintsy manaja an’Andriamanitra ianareo tsy mampaninona izay Ataony. Fantany izay Ataony. Toy ny hoe ratsy, mijaly ireo ankizy, mijaly ny olona, maty ny biby fiompy, maty ny ondry, tsy misy rano na aiza na aiza, nahamay sy nanevokevoka ireo alina, namiratra toy ny varahina teny amin’ny lanitra ny masoandro nandritry ny andro, nandritry ny telo taona sy enim-bolana. Ary nipetraka teny an-tendrombohitra i Elia, nanao hoe, “Tsy hisy ando akory aza hilatsaka raha tsy izaho no miantso azy.” Marina izany. Oh, toy ny ahoana no nankahalan’izy ireo azy!

<sup>109</sup> Ary rehefa izy, Ahaba, nahita azy, dia hoy izy hoe, “Ianao no hany mampidi-doza amin’i Isiraely, sa tsy izany?”

<sup>110</sup> Nitodika nifanatrika taminy i Elia antitra, nanao hoe, “Tsia, tsy izaho, fa ianao no hany mampidi-doza amin’i Isiraely.” Marina izany. Hitanareo, na i Ahaba aza tsy nanaja azy. Ary fantatrareo izay notenenin’i Elia tamin’i Ahaba, nanao hoe, “Satria ianao no nandraraka an’ilay rà tsy manan-tsiny an’i Nabota, noho izany dia ireo alika no hilelaka ny rànao, ihany koa, eny an-dàlambe.” Ary nilelaka izy ireo! Satria tsy nanaja ny irak’Andriamanitra izy ireo. Marina tokoa izany. Tsy nanaja an’izany izy ireo.

Ankehitriny, tsy nanaja an’izany i Miriama. Tsy nanaja an’izany i Arona.

<sup>111</sup> Tsy mampaninona na iza ianareo, Kristiana na tsy Kristiana, tsy maintsy manome fanajana an’Andriamanitra foana ianareo, ary manaja an’izay Ataony, na maritra ny vokany. Ilay izy dia na mandray an’izany na mandeha ao amin’ny fitsarana, ny anankiray izay tianareo.

<sup>112</sup> Toy ny ahoana no ahafahako mitsangana miaraka amin’ny fijoroana vavolobelona, mandritry ny ora sy ora, ny amin’izay efa hitako tamin’ny androm-piainako, izay efa hitako tany amin’ireo faritra hafa sy ireo ampaham-pirenena hafa, sy ny sisa, ireo zavatra izay niseho. Fa mamela an’izany, mba hahazoanareo fotsiny an’ilay—ilay hevitra ny amin’izay ezahako lazaina anareo, tsy maintsy manaja an’izany ianareo. Efa nahita olona aho nipetraka tao amin’ny favoriana, ary nihanihany sy nihomehy tao amin’ny favoriana iray, ary, tsy nihoatra ny efatra amby roapolola ora, dia torotoro teny an-dàlambe. Efa nahita olona tanora aho nipetraka tao amin’ny favoriana iray, tamin’ny taona anankiray izay nisy ahy tany amin’ny toerana iray, ary manaraka, afaka enim-bolana angamba, niverina tamin’ilay

toerana iray ihany, ka saiky maty ny tsirairay avy tamin'izy ireo, na novonoina, voa tany ho any, tamin'ny aretina sy ny sisa. Marina izany. Tsy maintsy manaja an'izany ianareo.

<sup>113</sup> Tsaroako ny zazavavy tanora anankiray indray hariva, Tennessee, rehefa nivoaka ny varavarana aho, nitory teny tao amin'ny fiangonana Batista goavana iray, nivoaka ny varavarana. Ary nahatsapa ho voatarika aho hiantso azy hanatona an'i Kristy tamin'io hariva io. Eny, nihomehy teo amin'ny tavako izy rehefa niantso azy hanatona an'i Kristy aho. Sendra iray amin'ireo zanakavavin'ilay diakona izy. Ary nitsangana teo amin'ilay varavarana tamin'io hariva io, niandry ahy izy. Dia nivoaka aho, hoy izy hoe, "Tiako hahafantatra zavatra ianao izao ankehitriny izao, aza mahamenatra ahy intsony tahaka an'izany indray ianao."

Hoy aho hoe, "Niantso anao Andriamanitra."

<sup>114</sup> Hoy izy hoe, "Fahadalana! Tanora aho," hoy izy, "manana fotoana betsaka ho an'izany aho." Hoy izy, "Manana fivavahana ampy ho anay rehetra ny dadako any an-trano."

<sup>115</sup> Hoy aho hoe, "Tsy ampy ho anao, ranabavy, ny tsirairay avy dia tokony banana ny fivavahany manokana."

<sup>116</sup> Hoy izy hoe, "Raha mila olona hiresaka amiko mikasika an'izany aho, dia haka olona iray izay manana saina, fa tsy olona iray tahaka anao."

<sup>117</sup> Hoy aho hoe, "Mandehana, lazao izay tianao lazaina. Tsy manelingelina ahy ianao, saingy hanenenanao izany indray andro any."

<sup>118</sup> Tsy ela taorian'izany, nandalo teo amin'ilay tanàna iray ihany aho. Indro izy nidina teny an-dàlambe niaraka tamin'ny atin'akanjony nihantona, nidoladola niaraka tamin'ny sigara iray teny an-tànany, ary nanolotra ahy whisky iray hosotroina. Ilay zavatra iray ihany! Ary ity no fijoroana vavolombelony, hoy izy hoe, "Tsaroanao ve ilay hariva izay niantsoanao tany?" Hoy izy, "Izany no fahamarinana." Hoy izy hoe, "Nanambara tamiko ny Fanahin'Andriamanitra tamin'io hariva io, niezaka nanao ahy ho avy." Dia hoy izy, "Hatramin'io dia afaka nahita ny fanahin'ny reniko mendy tao anatin'ny helo aho tahaka ny mofo voaendy iray, ary nihomehy an'izany." Izany no nitranga, hitanareo.

<sup>119</sup> Tsy maintsy manaja an'Andriamanitra ianareo. Izay ihany. Tsy maintsy manao an'izany ianareo, rahalahy. Izay ihany. Tsy nanaja an'izany i Jezebela.

<sup>120</sup> Ary tsaroako ny fotoana hafa iray, nisy ankizy vitsivitsy tsy mpanaja, efa notezaina tao amin'ny tokantrano iray izy ireo.

<sup>121</sup> Elia, taorian'ny androny, mazava ho azy, nankahala azy ny vahoaka satria niantso an'io mosary teo amin'ny firenena io izy. Nisy olona sasany izay nampianatra ny zanany hoe "Elia,

lehilahy iray tahaka an'izany," dia nakarina ary nentina nankany An-danitra. "Novonoina tany ho any izy, ka nandoro azy fotsiny izy ireo ary nanafina azy." Izy ireo—tsy nino an'izany izy ireo.

<sup>122</sup> Noho izany dia i Elisa no naka ny toerany, ankehitriny dia izy no irak'ilay andro ankehitriny taorian'ny nampakarana an'i Elia. Noho izany dia nandalo tao amin'ny tanàna anankiray izy, ary ireo ankizy, ankizy kely an'io tanàna io, dia nihazakazaka nivoaka, naneso azy, nanao hoe, "Hono ho'aho, ianao antitra sola loha, nahoana ianao no tsy nandeha niakatra tahaka an'i Elia?" Hitanareo, tsy nino izy ireo hoe niakatra i Elia. Izay ilay izy. Ilay izy dia tsy ny tsy fanajana an'ilay lehilahy; ilay izy dia tsy fanajana ny Hafany. Izy no mpandimby an'i Elisa... an'i Elia. Nanana ny hosotra izy, ny fanahin'i Elia no teo aminy. Nandeha teo avy hatrany mihitsy izy ary nanao an'ireo tena zavatra iray ihany izay nataon'i Elia. Haleloia!

<sup>123</sup> Hoy Jesosy hoe, "Izay mino Ahy, ireo asa izay Ataoko no hataony koa." Eny. "Izao famantarana izao no hanaraka an'ireo izay mino."

<sup>124</sup> Tsy nanaja an'izany izy ireo. Ary tsy nanaja an'i Elia izy ireo satria nino an'i Elisa izy, satria teo aminy ilay Fanahy. Ary nitodika izy ka nikapoka an'i Jordana tamin'ny kapaotiny, ary nanokatra an'i Jordana, nandeha ary nanao an'ireo karazana fahagagana iray ihany izay nataon'i Elia. Ary na dia ireo mpitoky teny rehetra tao amin'ilay sekolin'ny mpaminany tany aza, dia nanao hoe, "Ny fanahin'i Elia no mitoetra eo amin'i Elisa," nanely feo eran'ny firenena.

<sup>125</sup> Ary ny olona, mifanamby mihitsy aho fa nifampihomehy izy ireo, nanao hoe, "Hey, hey, jereo ilay izy!" Hoy izy ireo hoe, "Io andiana holy-rollers io, fanatika, manao hoe, 'Lasa nankany An-danitra tsy maty io lehilahy io, nidina ireo soaval.' Tsy nahita anankiray isika." Tsy nahita tokoa izy ireo. Tsia tokoa, tsy nahita izy ireo. "Tsy nahita soaval mihitsy isika. Tsy nandre kalesy mihitsy isika na taiza na taiza. Fahadalana! Maty ilay lehilahy antitra ary nalevin'izy ireo izy, nefo miezaka izy ireo ny manao tsaho betsaka ny amin'izany."

Tahaka ny holazain'izy ireo amin'izao andro izao mihitsy, ilay zavatra iray ihany!

<sup>126</sup> Tahaka ny nolazain'izy ireo mikasika an'i Jesosy, hoy izy ireo hoe, "Nahoana, tonga izy ireo ka nangalatra. Ny Vatany tamin'ny andro alina." Nanakarama miaramila mihitsy aza izy ireo hanambara an'izany. Saingy nitsangana tamin'ny maty Izy!

<sup>127</sup> Ary nakarina tao anaty kalesy afo iray i Elia, niaraka tamin'ny soaval afo.

<sup>128</sup> Ary rehefa nandeha teo ity mpaminany tanora ity, nandeha nitety ny tanàna. Ary nahavery ny volony izy, raha lehilahy tanora iray. Nidina izy, noho izany dia nihazakazaka taoriany ireo ankizy kely, nanao hoe, "Hey, nahoana ianao no tsy nandeha

niakatra niaraka tamin'i Elia?" Hoy izy ireo, "Ianao antitra sola loha, ianao!" Hitanareo? Ary nanolotra tsy fanajana izy ireo. Ary inona no nataon'i Elia? Nitodika izy, tao amin'ny herin'ny Fanahy, ka nanozona an'ireo ankizy ireo. Inona no nitranga? Tonga avy tany anaty ala ny bera roa ka namono ny roa amby efapolo tamin'ireo. Marina. Tsy fanajana, tsy nanaja. Tsy afaka manao an'izany ianareo. Tsy maintsy manaja an'Andriamanitra ianareo.

<sup>129</sup> Raha nilaza ny iray tamin'ireo ankizy ireo... Ankehitriny, raha nilaza ny ray sy renin'izy ireo hoe, "Ankehitriny, jereo, rankizy, milaza izy ireo fa nakarina i Elia. Ankehitriny, tsy mahafantatra mikasika an'izany isika, saingy, na ahoana na ahoana, izaho—izaho—tsy fantattro na marina izany na tsia, fa teneniko aminareo fa ny zavatra tsara indrindra hatao dia ny tsy milaza na inona na inona mikasika an'izany fotsiny. Mandrosoa fotsiny. Rehefa mandalo izy... Rentsika fa mandalo eto amin'ny tanàna izy androany, hanao favoriana an-dàlambe iray any. Raha manao izy, raha ianareo ankizy, eny an-dàlana mankany antsekoly androany, no mihaona aminy, dia manaova fotsiny hoe, 'Manao ahoana ianao, reverà? Manao ahoana ianao, tompoko?' Na zavatra tahaka an'izany. Miresaha aminy."

<sup>130</sup> Saingy raha tokony ho izany, tsy isalasalana fa efa nilazana izy ireo tao an-trano. Oh, nandre an'i papa sy mama nipetraka teo amin'ny latabatra izy ireo nihomehy, ny iray amin'ny hafa, nanao hoe, "Mba fantatral moa! Nilaza izy ireo fa nakarina ilay holy-roller antitra. Mba nino zavatra tahaka an'izany ve ianao? Ary nilaza izy ireo fa io lehilahy antitra kely sola loha io, sola loha mihitsy tahaka ny voatavo iray any, tsy mihoatra ny dimy amby telopolo taona izy, ary indro izy tonga manerana any, ary nilaza fa hanao favoriana an-dàlambe iray, manantena antsika hino fahadalana tahaka an'izany. Nahoana, izy dia tsy misy afa-tsy kely... iray fotsiny—fanesoana iray. Izay ihany ny amin'izany. Satria, tsy ho tonga ao amin'ireo fiangonantsika izy, tahaka an'i Elia fotsiny izy, tsy ho tonga ao amin'ireo fiangonantsika izy. Isika dia, izy dia... Karazana mosavy iray angamba, ozon-dratsy, fanambakana no entiny, tahaka an'i Elia." Tsy nino azy izy ireo. Noho izany, nampianarina an'izany ireo ankizy kely tao an-trano.

<sup>131</sup> Raha nampianarina fanehoam-panajana sy fanajana izy ireo, dia ho nandeha teo anatrehan'ilay mpaminanin'Andriamanitra ka nangataka vavaka iray ho an'ny tenan'izy ireo.

<sup>132</sup> Fa nampianarina hihanihany sy hihomehy izy ireo, ary haneso. Saiky tahaka an'ireo ankizy amin'izao andro izao, ma... marobe amin'izy ireo amin'izao andro izao no haneso favoriana an-dàlambe iray, haneso ny fitoriana ny Filazantsara izy ireo.

<sup>133</sup> Noho izany, nozonin'i Elia izy ireo, tamin'ny Anaran'ny Tompo. Tsy noho ireo ankizy, fa noho ireo raiamandreny tsy manaja izay nitaiza an'ireo ankizy tamin'izany fomba izany, mba tsy hanaja an'Andriamanitra. Nivoaka ny bera roa ka namono roa amby efapolo tamin'izy ireo. Ankehitriny, izany no tsy fanajana. Mitaky fanajana Andriamanitra! Rehefa tsy nanaja ny Mpaminaniny izy ireo, dia tsy nanaja Azy; tsy mampaninona na impiry no tsy ninoan'izy ireo, tokony nihazona ny vavany nikatona izy ireo, nijanona nanalavitra an'izany. Saingy, tsia, tsy maintsy nametraka ny sandan'ny nikelany izy ireo. Tsy maintsy nilaza zavatra izay tsy tokony nolazainy izy ireo. Ary inona no nitranga tamin'izy ireo?

<sup>134</sup> Ndao isika haka olona sasany izay nanaja an'izany. Ndao alaintsika ilay vehivavy Sonemita, tamin'ilay mpaminany iray ihany, Elia. Tsy Isiraelita iray tokoa izy. Avy any Sonema izy, saingy nino an'Andriamanitra. Ary nahita an'ity lehilahy ity nandalo ny tanàna izy, nandre azy niresaka, nahita an'ireo famantarana izay nataony izy.

<sup>135</sup> Voalaza tao amin'ny tantara, tsy fantattro na marina ilay izy na tsia, fa indray andro dia niezaka hahazo zazavavy kely iray ny andiana alika dia. Ankehitriny, tsy Soratra ity, tantara iray izay novakiako fotsiny ilay izy. Ary nilaza fa nitsangana teo amin'ny zoron-dàlana ilay vehivavy Sonemita, ary hitany fa saika hamono an'io zazavavy kely io ireo alika ireo. Ary nandalo ny tanàna ity lehilahy masina ity, ka natsangany nankany amin'Andriamanitra ny tehiny, ary niantsoantso famindrampo ho an'ireto ankizy kely ireto tahaka an'izany izy, ka niverina ireo alika ary nanalavitra azy ireo. Na marina ilay izy na tsia, toy ny hoe mety nisy ilay izy, tsy fantattro.

<sup>136</sup> Fa, na ahoana na ahoana, nilaza ity vehivavy ity, rehefa ny Baiboly, fa izy dia "nahita fa lehilahy masina iray io." Hitany fa nisy zavatra nitranga. Hitany hoe inona izy, ary "hitany fa lehilahy masina iray avy amin'Andriamanitra izy." Ary, raha tokony tsy nanaja azy tahaka ny nataon'i Jezebel, dia nanaja azy izy. Hoy izy tamin'ny vadiny hoe, "Afaka manao an'izao tsara isika. Miangavy anao aho, ndao isika hanorina trano kely iray ho azy eto any ho any. Ndao isika hanome toerana kely iray ho azy, satria sasatra izy. Nandinika azy aho. Miha-antitra izy, ary voamariko ny volony fotsy raha nihantona nidina teo amin'ny volombavany izany. Ny tehiny antitra kely, ny sandriny kely mahia raha nandeha izy, ireo sandry kely lozotra tahaka an'izao. Ary indro izy tonga, mitondra sinindiloilo kely eo amin'ny valahany, miaraka amin'ny tapaka hoditr'ondry mirakotra manodidina azy, ao amin'ny masoandro mahamay, toy ny hoe may sy mena ny vatany. Ary miangavy anao aho, ndao isika hanao toerana kely ho azy, hijanonanay eto. Ndao antsointsika ilay mpanao trano ary ho tonga eto ka hanorina toerana kely iray ho azy, ary hampiantrano azy,

satria hitako fa ny fanahiny, amin'ny alàlan'ny fanahiny, dia lehilahy masina iray izy. Lehilahin'Andriamanitra iray izy." Oh, oh, fahasamihafana iray toy ny inona!

<sup>137</sup> Ankehitriny, nanaiky ny vadiny, izy . . . mety nilaza izy hoe, "Malala, izaho dia nahamarika an'io lehilahy io, ihany koa. Nihaino azy aho, nandinika azy aho, nahita an'ireo asany aho. Fantattro fa lehilahin'Andriamanitra masina izy. Noho izany dia hataontsika mihitsy izany." Noho izany dia nantsoin'izy ireo ilay mpanao trano ka nanorina toerana kely iray tsara ho azy, ary nametraka fandriana kely iray ho azy tao mba hialana sasatra, mba ahafahany mandry sy miala sasatra. Nanamboatra toerana ho azy hanasana ny tongony, nametraka rano sy ny sisa, ary nanamboatra an'izany tao anatiny tao.

<sup>138</sup> Ary rehefa nandalo ilay mpaminany, mazava ho azy, dia nahafaly ny fanahiny izany, ny mahita fa nisy zavatra natao ho azy. Hoy izy tamin'i Gehazy hoe, "Mandehana, antsoy izy, ka anontanio azy izay azoko hatao ho azy, afaka ve aho 'hiresaka amin'ny mpanjaka, amin'ilay lehiben'ny kapiteny?" Izy . . .

<sup>139</sup> Hoy izy hoe, "Mitoetra eo anivon'ny oloko aho, ary tsy misy na inona na inona ilaiko."

<sup>140</sup> Fa hoy i Gehazy hoe, "Tsy manan-janaka izy. Ary efa mahazo taona tsara ny vadiny, antitra izy. Tsy manan-janaka izy ireo."

<sup>141</sup> Ary nieritreritra aho, Elia nandry teo ambonin'io fandriana kely io, izay nitso-drano azy tamin'ny fanaovana, nanao ny tongony ho voassasa tanteraka, ary ny volombavany voasassa tanteraka, sy ny sisa, nandry teo, tsy isalasalana fa nahita fahitana avy amin'ny Tompo izy (satria, nanao an'izany foana izy ireo). Noho izany dia hoy izy hoe, "Mandehana, antsoy izy, ka teneno izy mba hitsangana eto anatrehako." Oh, oadray! "Mandehana, antsoy izy, satria izy dia—efa nanaja an'Andriamanitra izy. Mandehana, teneno izy ho tonga eto."

<sup>142</sup> Rehefa nitsangana teo amin'ny varavarana izy, dia hoy izy hoe, "HOY NY TOMPO HOE. Saiky amin'ny fotoana toy izao, amin'ny herintaona, dia hiteraka zazakely ianao." Ary saiky tamin'izany fotoana izany, ny taona nanaraka, dia nahazo an'ilay zazakely izy.

<sup>143</sup> Avy eo i Satana, rehefa tokony teo amin'ny roa ambin'ny folo taona teo izy, dia nitondra azy tany an-tsaha ny rainy indray andro, ka hoy i Satana hoe, "Hesoriko io zaza io," noho izany dia nomeny famelezan'ny masoandro fotsiny izy. Ary maty teny antsandrin'ny reniny izy.

<sup>144</sup> Nahakivy azy ve izany? Tsia, tompoko. Hoy izy hoe, "Asio lasely ny ramole iray. Ary mandehana mandroso, aza mijanona. Miakara any an-Tendrombohitra Karmela, any amin'ilay tendrombohitra, satria nandalo teto mihitsy izy indray andro." Oh, oh! Oh, oh! Oadray! Eo ianareeo izao. Izany no fanajana. Izany no fanajana.

<sup>145</sup> Dia hoy ny vadiny hoe, “Handeha hankany amin’ilay lehilahin’Andriamanitra ianao.” Hoy izy, “Sady tsy voalohambolana izao na sabata, izy tsy ho any ao amin’ny . . .”

<sup>146</sup> Hoy izy hoe, “Ho tsara ny rehetra, asio lasely fotsiny ilay ramole dia avelao aho handeha.” Ary noho izany dia lasa izy ireo.

<sup>147</sup> Ary tonga tao amin’ilay tendrombohitra izy ireo. Ary rehefa njery avy tao amin’ilay zohy i Elia antitra, ka nivoaka teo izy ary njery, dia hoy izy hoe, “Toa ilay vehivavy Sonemita io tonga io.” Hoy izy, “Tsy maintsy malahelo izy.” Hoy izy hoe, “Mandehana, tsenao izy. Ary, nefà,” hoy izy, “malahelo ao am-pony izy, fa tsy niteny na inona na inona tamiko mikasika an’izany mihitsy Andriamanitra.”

<sup>148</sup> Hitanareo, tsy voatery hiteny ny zavatra rehetra aminareo Andriamanitra, hitanareo, noho izany dia tsy miteny ny zavatra rehetra amin’ireo Mpaminaniny akory aza Izy. Izy fotsiny—manao an’izay Tiandy atao fotsiny Izy, Andriamanitra Izy.

<sup>149</sup> Noho izany izy . . . Ankehitriny, hoy i Elia hoe, “Andriamanitra!” Ahoana moa raha nilaza an’izao i Elia hoe, “Nahoana Ianao no tsy niteny tamiko ny antony nahatongavany? Nahoana Ianao no tsy niteny tamiko ny rehetra mikasika an’izany?” Tsy ho nahita zavatra iray mihitsy izy. Fa nety tsara ilay izy tamin’i Elia, na inona na inona izany.

<sup>150</sup> Ary ahoana moa raha tonga izy ka nilaza, nanao hoe, “Nilaza ve ianao fa mpanompon’Andriamanitra iray ianao? Mpihatsaravelatsihy ianao! Tena mino aho fa tsy misy afatsy holy-roller iray ianao”? Tsy ho nitranga mihitsy izany. Hitanareo? Mizaha toetra antsika Andriamanitra indraindray, hahita an’izay hataontsika.

<sup>151</sup> Noho izany, raha tokony ho izany, dia nankeo antongony avy hatrany izy ka niankohoka, tahaka ny nataony tamin’Andriamanitra. Ary nilaza izy, ary nambarany taminy hoe inona ilay olana. Dia hoy i Elia hoe, “Ento ny tehiko ka mandehana apetraho eo ambonin’ilay ankizy izany.”

<sup>152</sup> Ary rehefa nanao izy, dia hoy ilay vehivavy hoe, “Raha velona koa ny Tompo Andriamanitra, ka tsy maty mihitsy ny fanahinao,” oh, oadray, “ianao mpanompon’Andriamanitra, dia tsy handao anao aho. Hijanona eto aho mandrapandefan’Andriamanitra an’ilay fahitana.” Nijanona elaela kely teo i Elia antitra; nanisy sikina ny valahany, ary naka ny tehiny ka indro izy nandeha.

<sup>153</sup> Niditra tao amin’ilay efitra izay nandrian’ilay zazakely izy, zazakely maty iray. Nandeha nandroso-sy-niverina teo amin’ny gorodona, tahaka an’izao, nandrity ny fotoana fohy. Nohon’ny vehivavy nanaja iray, vehivavy iray izay nanaja azy, lehilahy iray izay nanaja azy, ary nino azy ho lehilahin’Andriamanitra iray, dia nandeha aoriania sy aloha nandroso-sy-niverina teo amin’ny gorodona izy mandra-pamalin’Andriamanitra. Amena.

Avy eo dia nampandry ny tenany teo ambonin'ilay zazakely izy ka nievina impito izy, ary nandray azy ka nanolotra azy ho an'ny reniny. Lasa nivoaka izy, nandeha niverina nankany amin'ny zohy. Satria nanaja an'ilay lehilahin'Andriamanitra izy! Amena. Mitaky fanajana Andriamanitra.

<sup>154</sup> Ahoana ny amin'i Marta? Nieritreritra foana mikasika ny fanamboarana sakafo hariva tsara ho an'i Jesosy izy. Maria te-handre ny Tenin'Andriamanitra, noho izany dia nipetraka teo fotsiny izy ary nihaino Azy. Tsy nahoany na novaina ireo fonon'ondana, na ireo—nisy vovoka ireo lamban'efitra, na nanana zavatra hohanina izy ireo na tsia, te-handre an'izay holazain'i Jesosy fotsiny izy. Fa Marta te-handro sakafo hariva tsara iray ho Azy foana, sy hahazo antoka fa vita malemilemy ilay sez ari voapetraka tsara mihitsy izany, ary voadio tahaka an'izany ny zavatra rehetra. Fa izy dia nila Azy, hanao zavatra ho an'i Jesosy amin'ny fanaony, ary Maria te-hanao an'izany amin'ny fanaony. Fa indray andro rehefa tonga i Lazarosy... Maro ny olona izay miresaka manohittra an'i Marta, nilaza fa tokony ho liana betsaka kokoa izy. Oh, tsia, vetivety fotsiny. Hitanareo, ho tonga ny fotoana iray izay tsy maintsy hanehoan'i Marta ny azy. Ary avy eo rehefa Jesosy... Rehefa maty i Lazarosy, ny anadahiny, dia naniraka nankany Aminy izy mba ho tonga hivavaka ho azy. Tsy tonga Izy. Tsy Noraharahiany ilay antso, nanohy nandeha tany an-kafa tany ho any Izy. Naniraka indray izy, ary mbola tsy noraharahiany foana ilay antso.

<sup>155</sup> Fa farany rehefa tonga Izy, dia toy ny hoe afaka nandeha nivoaka nankany Aminy izy ankehitriny ka nanao hoe, "Nahoana Ianao no tsy tonga? Nahoana Ianao no tsy tonga rehefa niantso Anao aho? Nandry tetra ny anadahiko, marary. Nilaozanay ny fiangonanay, nilaozanay ny rafi-pandaminanay, nataonay ny zavatra rehetra mba hanarahana Ny Hafatrao, satria nino izahay fa Lehilahin'Andriamanitra iray Ianao. Fa ahoana no ahafahan'ny Lehilahin'Andriamanitra iray... Ary izahay kamboty roa, ankizy telo kamboty eto, olona telo kamboty, ary nanamboatra karipetra ho ar'io tempoly io no fivelomanay. Mambra tao izahay, mambra tao ny reninay sy rainay. Saingy satria dia namitaka anay tao amin'ny zavatra iray Ianao, mba hino an'Ity, izay Ezahanao ampianarina, milaza fa Zanak'Andriamanitra Ianao ary Mpaminany nirahina avy tamin'Andriamanitra, ary ireo zavatra ireo, ahoana no mba ahafahanay hino Anao, Lehilahy iray izay tsy te-hihaino ahy akory aza rehefa miantso Anao aho? Rehefa nanana ilaina aho ka nila Anao, dia tsy Noraharahianao ny hafattra fa lasa nandeha. Ary naniraka indray aho, fa mbola tsy Noraharahianao foana izany. Nahoana Ianao no nanao zavatra tahaka an'izany?" Raha nanao an'izany izy, dia ho hafa ilay tantara izao hariva izao.

<sup>156</sup> Inona no nataony? Nihazakazaka avy hatrany tany amin'izay nisy Azy izy, nandohalika teo an-Tongony ka nanao hoe,

“Tompo, raha teto Ianao, dia tsy maty ny anadahiko.” Oh, eo ianareeo izao. Inona no nataony? Nanaja izy. Tao amin’ny Fanatrehan’Andriamanitra izy, ary nanaja Azy. Niantso Azy ho Tompony izy. “Tompo, raha teto Ianao.” (Tsy hoe, “Naniraka nankany Aminao aho!” Adino daholo izany rehetra izany.) “Ankehitriny dia eto Ianao, hitanao. Raha teto Ianao, ny anadahiko dia ho, tsy maty.”

Hoy Izy hoe, “Hitsangana indray ny anadahinao.”

<sup>157</sup> “Oh,” hoy izy, “eny, Tompo, fantattro fa hitsangana indray izy amin’ny andro farany.”

<sup>158</sup> Ary—ary nilaza Izy, ary izy... Hoy Izy hoe, “Fa Izaho no Fananganana sy Fiainana. Izay mino Ahy, na dia maty aza izy, dia mbola ho velona. Na iza na iza velona ka mino Ahy dia tsy ho faty intsony.”

<sup>159</sup> “Mino aho, Tompo, fa Ianao no Zanak’Andriamanitra izay ho tonga amin’izao tontolo izao. Ary na dia izao ankehitriny izao aza, Tompo!” Oh! “Na dia izao ankehitriny izao aza!” (Tsy hoe, “Tompo, tokony nanao an’ity Ianao ary Ianao tokony nanao an’itsy!”) Fa, “Na dia izao ankehitriny izao aza, na inona na inona Angatahano amin’Andriamanitra, dia homen’Andriamanitra Anao izany.” Izay ilay izy.

<sup>160</sup> Ahoana moa raha afaka milaza an’izany amin’ny olona iray isika izao hariva izao hoe, “Oh, ry rahalahiko, mino aho fa izay angatahano amin’Andriamanitra, dia omen’Andriamanitra anao izany”? Ireo vokatra iray ihany no ho tonga.

<sup>161</sup> Fa tsy mampaninona na impiry Izy no, raha Izy no... Ary fantatsika fa Izy no Zanak’Andriamanitra. Raha tsy nanaja an’izany izy, dia tsy ho nety mihitsy izany. Avy tamin’ny fony izany. Hoy izy hoe, “Na dia izao ankehitriny izao aza, Tompo, na inona na inona Angatahano amin’Andriamanitra, dia homen’Andriamanitra Anao izany.” Izay ilay izy. Izay ilay izy. Avy tamin’ny fony, nino an’izany izy. Raha nanao dia fihazana iray Izy na dia fanjonoana iray, dia tsy ho nanao fahasamihafana taminy izany.

<sup>162</sup> Tsia, raha nandeha nankany amin’ny dia fihazana iray i Elia na nandeha tany ho any, dia tsy nanao fahasamihafana tamin’ilay izy izany, tamin’ilay vehivavy Sonemita. Mbola nino azy ho lehilahin’Andriamanitra iray foana izy. Azo antoka. Tsy mampaninona izay nataony, mbola lehilahin’Andriamanitra foana izy, ho azy, satria efa nahita an’Andriamanitra nihetsika tao amin’ny fiainany izy.

<sup>163</sup> Ary, ho an’i Marta, tsy mampaninona izay niseho, efa nahita an’izay nataon’Andriamanitra ho Azy izy. Hoy izy hoe, “Na dia izao ankehitriny izao aza, Tompo, na inona na inona Angatahano amin’Andriamanitra, dia homen’Andriamanitra Anao izany.” Ah, eo ianareeo izao.

<sup>164</sup> Hoy Izy hoe, “Hitsangana indray ny anadahinao.” Ary noho izany dia hoy Izy hoe, “Aiza no nandevenanareo azy?” Dia nandeha nankeo amin’ny fasana izy ireo. Ary niantso an’i Lazarosy avy tao am-pasana Izy, rehefa avy maty nandrity ny efatra andro. Nahoana? Satria nanaja an’izay naha-izy Azy ny anabavin’i Lazarosy.

<sup>165</sup> Raha tsy afaka manaja an’ilay lehilahy ianareo, dia hajao ny asa izay ataony ho an’Andriamanitra. Marina tokoa izany, hitanareo, hajao izy. Raha tonga ny mpitoriteny iray, ny pasiteranareo, dia hajao foana izy. Efa nandre an’ireo fiangonana nireshaka mikasika ny pasiterany aho, ahoana fa nireshaka fotsiny ny aminy, nanambany azy, naneso azy. Ahoana no mba hanaovan’io pasitera io zavatra ho anareo? Tsy afaka manao an’izany izy. Ianareo—ianareo tsy, ianareo tsy ma.... Tsy milaza an’ity fiangonana ity aho, fa ireo fiangonana izay efa hitako no tiako lazaina, hoe raha ianareo... Tokony ho tia ny pasiteranareo ianareo. Tokony hahafantatra ianareo fa olombelona izy, kanefa Andriamanitra no nanao azy ho Pasiterany. Ny Fanahy Masina no nanao azy ho mpanaramaso ambony, noho izany dia tokony hanaja azy ao amin’izany fanao izany ianareo. Ary tsy mampaninona izay nataon’ilay pasitera, raha manaja azy ao am-ponareo ianareo, amin’ny mahampanompon’Andriamanitra, dia hanaja anareo Andriamanitra nohon’ny nanaovana an’izany.

<sup>166</sup> “Izy izay—izay mandray Ahy, dia mandray an’Izay naniraka Ahy,” hoy Jesosy. “Izay tsy mandray Ahy, dia tsy afaka mandray Azy.” Hitanareo, nilaza izy ireo fa Andriamanitra no Rain’izy ireo; hoy Izy hoe, “Ny rainareo dia ny devoly.”

<sup>167</sup> Noho izany, hitanareo, tsy maintsy manaja an’izany ianareo ary mino an’izany, mino fa misy Izy. Eny, nino an’izany i Marta.

<sup>168</sup> Ary izany no zavatra kely anankiray izay nokasihako aninkeo maraina, io vehivavy Syrofenisiana io rehefa tonga izy tamin’io fotoana io. Jereo hoe toy ny ahoana no nandàvana azy, mafy mihitsy. Teo Izy, Jiosy iray; izy Jentilisa iray, ary nihazakazaka nankeo Aminy izy. Tsy fantany hoe ahoana no hanatonana Azy, saingy nanana ilaina izy, ary fantany fa Izy io Zanak’Andriamanitra io. Nino an’izany izy. Izy... Raha—raha namaly ny Fivavany ho an’ny hafa Andriamanitra, dia ho namaly vavaka ho azy Izy. Ary fantany fa izay Nolazainy dia ny Tenin’Andriamanitra. Raha ny Tenin’Andriamanitra ho an’ireo Jiosy izany, dia izany no Tenin’Andriamanitra ho an’ireo Jentilisa, ihany koa, na inona Nolazainy. Ary nanome azy fizahan-toetra iray Jesosy. Hoy izy hoe, “Tompo, mamindrà fo!” Diniho ankehitriny. Tsia, hoy Izy hoe... “Ianao ry Zanak’i Davida,” satria efa nandre an’ireo Jiosy izy nanao hoe, “Ianao ry Zanak’i Davida.” Ankehitriny, tsy Zanak’i Davida Izy ho azy. Hitanareo? Ary nilaza Izy... “Ianao ry Zanak’i Davida!” Tahaka an’izany no ho nanatonan’ny Jiosy iray an’izany, satria

efa nandre ny sisa tamin'izy ireo izy. Niezaka nanatona tahaka ny nataon'izy ireo izy, satria niezaka ny hahita fanajana izy. Niezaka izy ny haneho an'ireo fanajany. Ary tsy mody nanao fotsiny izy; ho fantatr'i Jesosy izany raha izany ilay izy. Tsia, ho Fantany izany. Noho izany rehefa tonga izy, dia hoy izy hoe, "Ianao ry Zanak'i Davida, mamindrà fo amin'ny zanakovavy, satria ampahorian'ny devoly mafy izy."

<sup>169</sup> Nitodika Izy ary njery azy, ka nanao hoe, "Tsy mety Amiko ny maka ny mofon'ny ankizy, ka manipy azy ho an'ireo alika." Fioo! Tsy anankiray ve izany? Anankiray izany! Tsy nandà azy fotsiny tamin'ny fangatahany, fa niantso azy hoe "alika." Marina izany. Ary ny alika no anankiray amin'ireo anarana ambany indrindra izay ananan'ny Baiboly, fantatrareo. Noho izany dia hoy Izy hoe, "Tsy mety Amiko ny maka ny mofon'ireo ankizy, ka manipy azy ho an'ireo alika."

<sup>170</sup> Hoy izy hoe, "Marina izany, Tompo." "Tompo," noho izany dia azony ilay izy. Tsy Zanak'i Davida Izy ho azy, fa Tompo Izy. Hoy izy, "Marina, Tompo. Marina izany, fa ireo ankizy dia mihinana ny potipotiny eo ambanin'ny...Na, ny tiako lazaina, ireo—ireo alika dia mihinana ny potipotiny eo ambanin'ny latabatry ny tombo." Izay no nahavita azy. Izay ilay izy. Izany no fanajana.

<sup>171</sup> Nitodika tany aminy Jesosy, nanao hoe, "Lehibe ny finoanao. Mandehana mody ankehitriny, hahita ny zanakao vavy arak'izay ninoanao azy mihitsy ianao." Izay ilay izy. Nahoana? Izany no fanatonany.

<sup>172</sup> Ahoana moa raha nitodika izy ka nilaza...Nitodika Izy, nanao hoe, "Tsy mety Amiko ny maka..." Amin'ny teny hafa, "Tsy tsara izany."

<sup>173</sup> Atao hoe, manatona ny Katolika iray ka manao hoe, "Oh, Rahalahy Branham, fantatro fa mandre an'ireo vavakao ho an'ireto olona eto ireto Andriamanitra. Hivavaka ho ahy ve ianao?"

<sup>174</sup> Ary hilaza aho hoe, "Eny, tsy mety amiko ny maka an'ireo fotoan'ny ankizy eto ireo. Eto aho mba hivavaka ho an'ireo Pentekotista, fa tsy ho anareo andiana Katolika." Hitanareo? Inona no ho nolazainy? Oh, ralehilahy, neveriko fa ho nijadojadona hivoaka eto tahaka ny zavatra rehetra izy. Hitanareo?

<sup>175</sup> Fa nitodika izy ka hoy izy hoe, "Marina izany, Tompo. Marina izany, Tompo. Fa izahay dia—vonona izahay ny, vonona ny hihinana an'ireo potipotiny eo ambanin'ny latabatry ny Tompo ireo alika."

<sup>176</sup> Hitanareo, nahatratra Azy haingana mihitsy izany. Nitodika Izy ka nanao hoe, "Lehibe ny finoanao." Ary avy eo dia mahita tranga hafa iray isika... Hitanareo, izany no fanatonany, ny fanajany. Nanaja an'Andriamanitra izy rehefa nanaja Azy.

<sup>177</sup> Noho izany dia mahita isika fa indray mandeha dia nisy Romana iray, ary lehilahy malaza iray izy, ary tia an'ireo Jiosy izy. Ary nanana mpanompo iray izy izay narary. Ny tenany, tsy nahatsapa ho mendrika handeha hangataka amin'i Jesosy izy.

<sup>178</sup> Hitanareo, ianareo dia te-hahatsapa foana ho kely kokoa noho izay maha-izy anareo. Aza mety ho goavana mihitsy eo imasonareo manokana. Hitanareo? Ankehitriny, ary raha goavana ianareo, dia aoka ho olon-kafa no hilaza an'izany mikasika anareo. Hitanareo? Fa ankehitriny ianareo rehefa, ity vehivavy ity na...

<sup>179</sup> Ity lehilahy ity, raha ny marina, nilaza izy fa kapiteny Romana iray ary nanana mpanompo iray narary izy, noho izany dia naniraka izy mba hanao an'io mpanompo io ho sitrana. Dia hoy Jesosy hoe, "Ho avy Aho hanasitrana azy."

<sup>180</sup> Noho izany teo amin'ny Lèlany, dia nahita Azy tonga ilay Romana. Heveriko fa nilaza izy hoe, "Oh, oadray, indro tonga io Anankiray Masina io. Indro tonga io Anankiray Masina io. Eny, izaho Jentilisa iray tsinontsinona. Izaho dia—izaho dia—kapiteny Romana iray aho, jeneraly iray aho, na—na manamboninahitra iray. Izaho—izaho—izaho—tsy Jiosy iray marina tokoa aho, tsy manana zò hahatongavan'io Lehilahy Masina io aho." Hitanareo ve ireo fanajana? Hitanareo? "Tsy manana zò hanao an'io Mpanompon'Andriamanitra Masina io ho tonga ao an-tranoko aho."

<sup>181</sup> Nahita Azy tonga teo am-baravarana, ka niantso Azy, nanao hoe, "Tompo, izaho—tsy mendrika aho ny Ahatongavano eo ambanin'ny tafon-tranoko." Angamba nanana lapan-trano iray izy, kapiteny iray. Hoy izy, "Tsy mendrika aho ny Ahatongavano eo ambanin'ny tafon-tranoko. Ary izaho—tsy nihevitra ny tenako ho mendrika ny hanatona Anao akory aza aho, noho izany aho dia naniraka ny iray tamin'ireo Anao—Olonao Manokana voatahy, ireo Jiosy. Fa manana mpanompo iray aho eto izay tena marary." Dia hoy izy hoe, "Lehilahy iray eo ambany fahefana aho," hoy izy, "milaza amin'ity miaramila ity aho hoe, 'Mandehana ianao,' dia mandeha izy. Milaza amin'ity anankiray ity aho hoe, 'Avia ianao,' dia avy izy."

<sup>182</sup> Inona no nolazainy teo? "Fantattro fa manana ny hery rehetra Ianao. Afaka milaza amin'io aretina io Ianao hoe, 'Mandehana,' dia mandeha izy. Ary afaka milaza amin'ity anankiray ity ianao hoe, 'Avia,' dia ho avy izy." Hitanareo, nahafantatra izy. Ary tahaka ny nanananay fahefana teo amin'ireo miaramila ireo, no nananan'i Jesosy fahefana teo amin'ireo aretina sy rofy rehetra. "Ny zavatra tokana Hataonao, Tompo, dia ny miteny ny Teny fotsiny!" Izay ilay izy! "Teneno fotsiny ny Teny, dia ho velona ny mpanompoko."

Nijanona Jesosy, nitodika nankany amin'ireo Jiosy, nanao hoe, "Tsy nahita finoana tahaka an'izany Aho teto Israely."

<sup>183</sup> Hoy Izy hoe, “Mety tsara ny mpanomponao.” Amena. Nahoana? Satria nanaja an’izany izy. Nanaja an’i Jesosy Kristy izy Izay ilay—ilay Andriamanitry ny Lanitra.

<sup>184</sup> Ankehitriny, ataoko fa efa tara izao. Te-hilaza zavatra anankiray amboniny fotsiny aho, dia ity. Ireo fanajana lehibe rehetra ireo, sy ny sisa; fa amin’izao andro izao, na ahoana na ahoana, dia hafa ilay izy. Afaka manao zavatra iray Andriamanitra amin’izao andro izao, nefo hihomehezan’ny olona izany. Mino aho fa hafa isika amin’izao andro izao, teo amin’ny efapolo taona lasa teo izay rehefa nanomboka nilatsaka voalohany ny Fanahy Masina, fa inona no nataon’ny olona? Nanidy an’ireo mpitory teny, niantso azy ireo ho holy rollers. Nivoaka teo amin’ny . . . Tsy te-hamahana azy ireo akory aza tao amin’ireo tanàna, ary ny zavatra rehetra tahaka an’izany; ary namaky katsaka teo ambonin’ny lâla-masinina izy ireo, mba hivelomana. Inona no nataon’izy ireo? Nanana efapolo taona hafa izy ireo, manana ilay fiangonana, njaly, nitety ny zavatra rehetra, ady roa tao amin’io habetsaham-potoana io, hitanareo, namono an’arivony tamin’izy ireo izany; nefo, efa lasa nody any an-Trano angamba izy.

<sup>185</sup> Ankehitriny, inona no hiseho, rehefa manomboka mandatsaka ny Fanahy Masina eo amin’ny fiangonana Andriamanitra amin’ny andro farany, inona no ho nitranga dimy amby roapolo taona lasa izay rehefa nanomboka nandefa an’ireo Famantarany sy fahagagany ary zava-mahagagany Izy, inona no ho niseho raha nitangorona teo amin’izany ny olona rehetra? Inona no nataon’izy ireo? Hoy izy ireo hoe, “Ozon-dratsy izany, fampiasana herin’ny maso izany, mpanao fifandraisana ara-tsaina iray izy, izy dia *ity, itsy*, na ny *hafa*.” Ahoana moa raha ireo firenena rehetra no niara-nandeha ka nanao hoe, “Isaorana anie ny Anaran’ny Tompo”? Ahoana moa raha ireo Metodista sy Batista, ary ireo Presbyterana sy ny rehetra, no niara-nifandray tànana ka nanao hoe, “Isaorana Andriamanitra, izao no notadiavinay. Mirotsaka ny Fanahy Masina. Nahoana, eto ireo lehilahy izay mahita fahitana, eto ireo mpaminany eo anivonay, eto ny—eto ireo fanomezam-pahasoavana lehibe rehetra eto, ireo mpiteny amin’ny fiteny tsy fantatra, ireo mpanasitrana avy amin’Andriamanitra, mirotsaka eo amintsika eto ny zavatra rehetra. Ho an’Andriamanitra ny saotra, tonga amin’ny alàlan’ny andiany kely manetry tena iray antsoina hoe Pentekotista ilay izy. Ndao isika rehetra hiverina amin’ny Baiboly indray. Ndao isika hiverina, ry rahalahy, handrava an’ireo rafi-pandaminantsika, ka ho mpirahalahy anankiray ny rehetra”? Ho tonga miaraka daholo ireo fiangonana malaza rehetra, inona no hitranga? Rahalahy, tsy ho nisy nilâna hopitaly iray akory aza eto amin’ny firenena androany. Marina izany. Tsia, ho nisy fanomezam-pahasoavana lehibe mahery tahaka an’izany ary fahagagana miasa eo anivon’ny olona, ho nisy

fanajana iray tahaka an'izany, ary angamba hoe efa lasa nody any an-Trano ny fiangonana ary ho efa nandeha ny Arivo taona.

<sup>186</sup> Saingy, tsia, tsy nohajain'izy ireo izany. Niantso azy ireo ho holy-rollers izy ireo. Ireo gazety dia niandry ny hilaza ny fanaratsiana rehetra, ny zavatra maloto izay vitan'izy ireo, ary hametraka fiteny maloto amin'izany izay azon'izy ireo atao amin'izany, ary ireo zavatra tahaka an'izany, ary nihaino an'izany ireo fiangonana ka nihomehy an'izany, ary—ary naneso azy ireo, ka nandroaka azy ireo sy niezaka nihazona azy ireo tany ivelan'ny tanàna, sy ny zavatra hafa rehetra, niaraka tamin'ny tsy fanajana. Ankehitriny, afaka milaza betsaka mikasika an'izany aho, saingy efa tara izao.

<sup>187</sup> Mamelà ahy ho tonga eo amin'ny Branham Tabernacle, azafady. Manomboka mandrotsaka an'ireo fanomezana eo amintsika Andriamanitra ankehitriny. Hitantsika izany. Ankehitriny, inona ilay fanomezan'Andriamanitra amin'izao andro izao? Dia ny Fanahy Masina, Izany dia ny Fanahy Masina izay ao anatintsika. Tsy maintsy manaja an'Izany isika. Tsy maintsy manaja an'Izany isika eo amin'ny olona rehetra izay Ahatongavany. Isika tsy maintsy ma...manome...ho an'ireo fanomezan'Andriamanitra Masina. Rehefa mandefa an'ireo fanomezana ireo Izy, tsy mampaninona na tena misy toy ny ahoana izy ireo, tsy hanampy antsika mihitsy izany raha tsy tonga eo amin'ny toerana iray izay ahafahantsika manaja an'izany isika. Afaka manome faminaniana iray ny olona; raha tsy mino an'izany faminaniana izany ianareo, dia tsy hahavita soa anareo mihitsy izany. Tsy maintsy manana fanajana ianareo ary tsy maintsy manaja an'izany. Tsy maintsy mino ianareo fa avy amin'Andriamanitra izany.

<sup>188</sup> Minoa an'izany mandra-pahavoaporofa fa diso izany. Amin'izay fotoana izay rehefa voaporofa fa diso ilay izy, amin'izay fotoana izay dia manana zò tsy hino an'izany ianareo, avy eo dia aza mikambana amin'izany intsony. Fa raha mbola voaporofa foana ho ny fahamarinana ilay izy, amin'izay fotoana izay dia minoa an'izany.

<sup>189</sup> Tahaka ny nolazain'i Samoela fahiny tamin'ilay andro izay nilàn'izy ireo mpanjaka iray. Hoy izy hoe, "Te-hanontany zavatra anankiray aminareo aho. Efa mba naka ny volanareo taminareo ve aho? Efa nangataka taminareo mba hivelomana ve aho? Na, efa mba niteny zavatra taminareo tamin'ny Anaran'ny Tompo ve aho ka tsy niseho?" Hoy izy hoe, "Tsy mila mpanjaka ianareo, ary tsy hahavita soa anareo ny mpanjakanareo." Dia niteny tamin'izy ireo izy. Nitondra an'ilay fanontaniana tamin'izy ireo izy, nanao hoe, "Efa niteny zavatra taminareo ve aho araka ny HOY NY TOMPO HOE ka tsy nitranga?"

<sup>190</sup> Ankehitriny, noho izany dia tsy nanaja an'i Samoela ny vahoaka. "Oh, fantatray, ry Samoela. Marina izany, ianao, tsy

afaka milaza izahay fa tsy niteny zavatra taminay mihitsy ianao...izay marina, saingy, saingy mbola te-hanao an'ilay izy tahaka an'izao foana izahay." Hitanareo? Tsy tokony hanao an'izany ianareo. Tsy maintsy manao an'ilay izy amin'ny fanaon'Andriamanitra ianareo.

<sup>191</sup> Rehefa mandray ny Fanahy Masina isika, dia tsy fandraisan-tànnana amin'ilay pasitera izany. Ny mandray ny Fanahy Masina dia mandray an'i Kristy ao anatinareo, satria Izzy no Irak'Andriamanitra an'ilay andro. Ny Fanahy Masina no Irak'Andriamanitra, ka tsy maintsy manaja Azy isika. Rehefa tonga Izzy, dia aza manao hoe, "Hi! Hi! Hi! Jereo io vehivavy mihorakoraka eo io, sy mitomany, miraraka eo amin'ny takolany ireo ranomaso. Jereo io lehilahy eo io, manetsiketsika ny tànany sy mangovitra ary mitomany. Fantatrareo ve hoe inona io? Io no andiana fientanam-po amboamboarina." Miteny ratsy ny Fanahy Masina ianareo. Tsy maintsy manaja an'Izany ianareo.

<sup>192</sup> Tsaroako, teto vao tsy ela akory izay tany Oregon aho, teo, efa teo amin'ny roa ambin'ny folo taona lasa teo izay. Ary tonga ny zazavavy kely mpanao gazety Katolika anankiroa. Tsy satria hoe Katolika izy ireo, tsy misy na inona na inona ankoatr'izany; satria efa nanana Protestanta maro mihitsy aho, ary Protestanta betsaka noho ny ananako Katolika, naneso ahy. Ary—ary—ary noho izany dia tonga ireto zazavavy ireto mba hanome tatitra iray. Noho izany vantany vao niditra tao izy ireo, dia tratrako ilay fanahy vantany vao niditra izy ireo, ka hoy aho hoe, "Eny àry, fitsikerana inona no anananareo ao amin'ny tànan'akanjonareo ankehitriny?" Ary nisintona sigara iray io zazavavy io ka nanomboka, ary hoy aho hoe, "Aza ampirehetina mihitsy io raha mbola ato amin'ny efitro ianao. Apetraho tsara fotsiny ilay izy."

<sup>193</sup> Noho izany dia nipetraka vetivety teo izy, ary njery ahoy toy ny hoe afaka hitety ahy izy, tahaka an'izao, dia nanomboka nireshaka vitsivitsy izy. Hoy izy hoe, "Eny, te-hametraka fanontaniana vitsivitsy aminao aho."

Hoy aho hoe, "Lazao."

<sup>194</sup> Hoy izy hoe, "Ahoana marina no ifandraisanao amin'io andiana holy-rollers eto io?" Hoy izy, "Isan'izy ireo ve ianao?"

Hoy aho hoe, "Isan'izy ireo aho."

<sup>195</sup> Dia hoy izy hoe, "Eny, ny tianao tenenina amiko ve dia hoe misy zavatra masina mikasika an'io?"

Hoy aho hoe, "Tsy ho anao, amin'ny maha-Katolika iray, tsy hino an'izany."

Hoy izy hoe, "Ahoana no ahafantaranao fa Katolika iray aho?"

<sup>196</sup> Hoy aho hoe, “Fantattro fa Katolika iray ianao. Hoteneniko aminao hoe iza no anaranao, hitanao, ary iza ianao.” Nanainga azy tamin’ny tongony izany.

<sup>197</sup> Hoy izy hoe, “Eny, ny tianao ho tenenina amiko ve fa io karazan’olona io, hoy izy ireo, dia ho velona eto an-tany ary ho any An-danitra?” Hoy izy hoe, “Tsy te-ho any An-danitra hiaraka amin’ny olona tahaka an’io aho.”

<sup>198</sup> Hoy aho hoe, “Tsy voatery hanahy betsaka mihitsy ianao. Raha mbola mihevitra tahaka an’izany foana ianao, dia tsy ho any, na ahoana na ahoana, hitanao.” Hoy aho hoe “Tsy hanahy ny amin’izany ianao.”

<sup>199</sup> Nitsangana fotsiny aho, njery azy nanatrika. Ary ny-nipetraka tao amin’ny tranobe ny rahalahy vitsivitsy. Hoy aho hoe, “Tsy tezitra aho. Izaho—te-hamela anao hahafantatra an’izay itsangananao fotsiny aho, hitanao.” Dia hoy aho hoe, “Hanoratra ianao, te-ho tonga eto ka hahita karazan-javatra iray, fa tsy hanoratra mihitsy an’izay noteneniko taminao ianao. Hataonao ho tantaranao manokana ilay izy. Mandrosoa ka ataovy izany, saingy te-hiteny zavatra anankiray aminao aho. Soraty ny zavatra rehetra manafintohina izay tianao soratana, fa” hoy aho, “alohan’ny ahafatesanao, dia hiverina hiantso ao amin’ny sofinao ny feoko. Raha tsy izany no izy, amin’izay fotoana izay dia fantatrao fa mpaminany sandoka iray aho.” Hoy aho hoe, “Ankehitriny, soraty fotsiny izay tianao soratana, miankina aminao izany. Manome fahalalahana anao hanoratra an’izay tianao soratana aho. Fa alohan’ny ahafatesanao, dia handre ny feoko hiantsoantso ao an-tsofinao ianao. Tsy hahasoa anao izany.” Hoy aho hoe, “Ankehitriny mandrosoa ka soraty izay tianao soratana.”

<sup>200</sup> Nitsangana vetivety teo izy. Hoy izy hoe, “Eny, inona no neverinao mikasika an’io andiana adala eo io, niantsoantso sy nanao hadalana omaly hariva?”

Hoy aho hoe, “Kristiana izy rehetra.”

“Kristiana?”

<sup>201</sup> Hoy aho hoe, “Azo antoka, Kristiana izy ireo.” Hoy aho hoe, “Kristiana izy ireo, feno ny Fanahy Masina.”

Dia hoy izy hoe, “Tsy izao no Fanahy Masina.”

<sup>202</sup> Hoy aho hoe, “Inona no hiantsoanao ny Fanahy Masina?” Hahita an’izay tsy maintsy nolazainy mikasika an’izany izy. Hoy aho hoe, “Te-hiteny zavatra aminao aho.”

<sup>203</sup> Hoy izy hoe, “Eny, tsy te-hanakambana ny tenako amin’ny andiany iray tahaka an’io aho.”

<sup>204</sup> Hoy aho hoe, “Tsy mihevitra aho fa misy loza be,” hoy aho, “ny amin’ny mba hanakambananao ny tenanao tahaka an’izany.” Hoy aho hoe, “Satria, raha mba nikambana

tamin'Andriamanitra ianao na ny iray amin'ireo olo-masina, dia ho nikambana tahaka an'izany ianao."

Hoy izy hoe, "Ireo olo-masin'ny Baiboly ve?"

<sup>205</sup> Hoy aho hoe, "Eny." Hoy aho hoe, "Ny 'Maria virijininareo voatahy,' araka ny iantsoanareo azy, izay andriamanibavinareo," hoy aho, "talohan'ny hany namelan'Andriamanitra azy ho tonga any An-danitra, dia tsy maintsy nandeha niakatra izy tamin'ny Andron'ny Pentekosta ka nandray ny Fanahy Masina, ary nivembena teo ambanin'ny Herin'Andriamanitra tahaka ny vehivavy mamo iray."

Hoy izy hoe, "Lainga izany."

<sup>206</sup> Hoy aho hoe, "Hazony iray minitra fotsiny ny filaminanao." Namadika teto amin'ny Boky aho, ka hoy aho hoe, "Jereo eto," namadika. Hoy aho hoe, "Ity eto ity mihitsy izany ao amin'ny Boky." Dia nanodina ny lohany izy. Hoy aho hoe, "Tsy manana fahasahiana hamaky ny Tenin'Andriamanitra akory aza ianao." Hitanareo? Hoy aho hoe, "Azo antoka." Hitanareo, tsy nanaja. Hoy aho hoe, "Ankehitriny dia afaka maka ny fonosantsigaranao miala amin'ny latabatra eo ianao, ary mandehana rehefa vonona." Saingy hoy aho hoe, "Tiako hahafantatra zavatra anankiray ianao. Soraty izay tianao soratana, saingy tsarovy ireo teny farany izay lazaiko hoe, 'Amin'ny Anaran'ny Tompo, dia hotsaroanao izany alohan'ny ahafatesanao.'" Tsy nanoratra na inona na inona izy. Marina izany. Navelany nandeha fotsiny ilay izy.

<sup>207</sup> Inona izany? Tsy fanajana, miezaka maneso, manao zavatra. Tsy fantatr'izy ireo izay ataony. Marina izany.

<sup>208</sup> Fa ato amin'ny tabernakla, tianay ianareo rehetra hahafantatra an'ireo zavatra ireo eto. Rehefa manomboka mandatsaka ny Fanahy Masina eo amin'ny olona Andriamanitra, matetika dia fantatro fa efa nahita olona miditra ao amin'ny nofo aho rehefa izy ireo—rehefa eo ambanin'ny hosotry ny Fanahy izy ireo, efa nahita azy ireo nanao zavatra tafahoatra aho, saingy aza milaza na inona na inona mikasika an'izany ianareo. Hajao izany, aondreho ny lohanareo. Mety tsy azonareo ilay izy, na izaho koa aza, saingy tiako ny manaja an'izany, na ahoana na ahoana. Ankehitriny, tsy maintsy manana fanajana an'Andriamanitra isika. Ary rehefa mandatsaka ny Fanahy Masina Andriamanitra, dia misaotra fotsiny aho, manao hoe, "Misaotra Anao, Ray any An-danitra. Manao zavatra ho an'ity fanahy sarobidy ity izay te-ho tonga ao amin'Ny Tranonao Ianao, tahaka ahy, indray andro any."

<sup>209</sup> Ary efa nahita an'ireo lehilahy aho, tahaka ny teto indray mandeha rahalahy iray izay tao amin'ny asam-panompoana nilaza fa niresaka mikasika azy aho. Ary nandeha izahay ka nitondra an'ireo horonam-peo rehetra ka nandefa nankany aminy. Rahalahy A. A. Allen izany. Ary nilaza izy fa naneso azy

aho niresaka mikasika ny rà nivoaka avy tamin'ny tànanareeo ka—ka niantso an'izany ho porofo voalohan'ny Fanahy Masina, ary—ary mino aho fa rà sy dilolo no nivoaka avy tamin'ny tànany sy ny handriny, sy ny sisa. Nilaza izy fa izany dia—nesoiko izany ary niteny taminy fa avy tamin'ny devoly izany. Nipetraka aho, nanoratra taratasy iray ho azy fotsiny aho, hoy aho hoe, “Rahalahy Allen...” Nanoratra ampahany iray izy ary ianareo—namaky an'izany ianareo, “Rahalahy Branham malala.” Hitanareeo? Ary noho izany dia nandefa trakta nanerana ny firenena rehetra izy, raha tokony ho tonga ka hijery ahy mikasika an'izany, dia izany no nataony.

<sup>210</sup> Fa ankehitriny dia ity no nolazaiko, hoy aho hoe, “Halaiko ireo hariva enina rehetra tany Phoenix, ka halefako any aminao ireo horonam-peoko ka haneho aminao.” Izany no nataon'i Leo sy izy ireo, ary nandefa an'ireo horonam-peo tany amin'izy ireo. Hoy aho hoe, “Indray mandeha ihany no voaantso ny anaranao. Ny olona no nametraka teo ambonin'ny biraoko, ka nanao hoe, ‘Rahalahy Branham, teto amin'ny tanàna Rahalahy Allen ka niteny taminay hoe “ny porofo voalohan'ny Fanahy Masina dia ny mandeha rà eo amin'ny tànana ary mandeha rà eo amin'ny tarehy, ary dilolo miraraka avy eo amin'ny tànanareeo, izany no porofo voalohany.””

<sup>211</sup> Hoy aho hoe, “Tsy mifanaraka amin-dRahalahy Allen aho hoe izany no porofo voalohan'ny Fanahy Masina, satria tsy misy na aiza na aiza ao amin'ny Baiboly hoe mba nandeha rà ny tànan'izy ireo, ary—ary dilolo no nivoaka avy teo amin'ny tarehy sy ny tànan'izy ireo, mba hanaporofo fa nanana ny Fanahy Masina izy ireo.” Hoy aho hoe, “Ny Fanahy Masina dia ny Herin'Andriamanitra ao amin'ny fiainan'izy ireo. Ary hoy Jesosy hoe, ‘Izao famantarana izao no hanaraka an'ireo izay mino,’ hitanareeo. ‘Handroaka devoly amin’Ny Anarako izy ireo,’ sy ny sisa.” Fa hoy aho hoe, “Ity misy zavatra anankiray izay tiako ho lazaina mikasika an-dRahalahy Allen, lehilahin’Andriamanitra lehibe izy. Ary raha afaka mitory teny tsara tahaka ny ahafahan-dRahalahy Allen aho, dia tsy ho nanana asam-panasitranana iray mihitsy, ho nitory ny Filazantsara fotsiny aho.”

<sup>212</sup> Noho izany, hitanareeo, rehefa avy namoaka an'io gazety io izy sy ny zavatra rehetra, hoe izaho “no nanao an'izany,” teo amin'izay nolazain'olon-kafa fotsiny. Fa na dia tsy mifanaraka amin'ilay rahalahy aza aho eo amin'ny foto-keviny, dia tsy ho tiako marina tokoa ny hiteny ratsy an'ilay rahalahy.

<sup>213</sup> Ary noho izany nitsangana tany mihitsy aho, teto tany Minnesota, tamin'io hariva io, tany Minneapolis, Minnesota, ary tany tao amin'io katedraly lehibe io, tempoly, niaraka tamin'i Gordon Peterson. Ary ilay zalahy izay nanoratra an'io boky nanohitra an'i A. A. Allen io, ka nilaza ny zavatra rehetra mikasika azy izay azo nolazaina, dia nanao hoe, “Nanana fahasahiана mihitsy aza izy hanoratra an'io boky io hoe

*Devoly Manaikitra*, mikasika an'io vehivavy io, naneho an'ireo pentimpentina teo amin'ny tānany izay nanaikeran'ny devoly azy, ary ireo zavatra tahaka an'izany.” Ankehitriny izaho—izaho marina tokoa . . . (Tsy fantatro na mety ho marina izany na tsia, satria ny devoly dia fanahy iray, hitanareo; fa ity vehivavy ity dia nilaza fa devoly goavana voloina iray no tonga ka nanaikitra azy teo amin'ny tānana rehetra sy teo amin'ny tarehy rehetra, ary ny zavatra rehetra tahaka an'izany.) Dia hoy izy hoe, “A. A. Allen no nanoratra an'io boky io.” Ary ilay lehilahy izay nanoratra ny boky, dia nanoratra lahatsoratra mahafinaritra iray mikasika ahy, ary indro fa nipetraka tao amin'ilay fivoriana mihitsy izy tamin’io hariva io (rehefa tonga i Rahalahy Peterson sy izy ireo niteny tamiko hoe, io mipetraka io izy), ary nandoka ahy, ka nanambany an'i A. A. Allen.

Nieritreritra aho hoe, “Ity no fotoana izay ahafahako miaro an-dRahalahy Allen.”

<sup>214</sup> Noho izany dia nanatona teo aho, ka hoy aho hoe, “Namaky an'ilay lahatsoratra tao amin'ilay gazety aho androany teto fa ity lehilahy anankiray izay ao amin'ny tanāna ity, tsy . . .” Nahafantatra fa nipetraka teo mihitsy izy. Hoy aho hoe, “Nilaza izy eto fa A. A. Allen, ary ny tsikera rehetra.” Hoy aho hoe, “Na dia mankasitraka an'ilay lehilahy izay nilaza ny teny fiderana mikasika ahy izay nataony aza aho,” hoy aho, “hoe tsy nitady vola sy ny zavatra tahaka an'izany aho, ary nanao an'ireo fivoriana madio indrindra amin'ny iray amin'izy ireo, sy ny sisa, ireo zavatra tsara izay nolazainy.” Hoy aho hoe, “Mankasitraka an'izany aho. Saingy raha nanoratra an'ity lahatsoratra eto ity tao amin'ny gazety io lehilahy io, dia tsy nanamarina ny naotiny tsara mihitsy ka nilaza fa A. A. Allen no nanoratra an'ity *Kaikitry Ny Devoly* ity. Tsy A. A. Allen mihitsy no nanoratra an'io boky io. Fantattro ilay lehilahy izay nanoratra azy.” Hoy aho hoe, “Tsy nanoratra an'ilay boky mihitsy izy. Ary raha tsy nanamarina tsara mihitsy teo amin'ny lahatsorany noho izany ilay lehilahy, dia misalasala aho fa ny sisa izay hany nolazainy mikasika an-dRahalahy Allen dia ny fahamarinana.” Niaro an-dRahalahy Allen. Ary hoy aho hoe, “Ankoatr’izany, raha diso Rahalahy Allen, dia aleoko hita eo amin'ny Hazon’ny Fitsarana maka ny toerako miaraka amin-dRahalahy Allen ao amin'ny fahadisoany, nefá miezaka mahazo fanahy ho an'i Kristy izy, toy izay hitsikera an'izay ezahan'ilay lehilahy hatao.” Amena. Marina izany. Eny, tompoko.

<sup>215</sup> Na iza na iza miantsy ny Anaran'i Jesosy Kristy, dia momba azy aho na Protestanta izy, Katolika, na inona izy. Izaho—mety tsy mifanaraka aminy aho eo amin'ny teolojia, saingy tiako ny hanaja azy amin'ny maha-mpanompo iray an'i Kristy sy amin'ny maha-rahalahiko. Hitانareo? Ary tsy mampaninona izay ataony, tsy maintsy manome fanajana ny Fanahy Masina isika. Marina tokoa. Eny, tompoko. Ary rehefa manomboka

manao an'izany isika, amin'izay fotoana izay dia handatsaka ny Fitahiany eo amintsika Andriamanitra. Isika fotsiny, vondrona kely eto mihitsy, eo amin'ny dimampolo na enimpolo, na angamba olona dimy amby fitopolo no mipetraka ato izao hariva izao, raha afaka fotsiny isika, ny rehetra miaraka, hamatotra ny tenantsika miaraka ka hanome fanajana tsara an'Andriamanitra sy an'ny Fanahy Masina, sy izay Ataony amin'ity andro ity, ary hanaja ny fanomezana tsirairay sy ny asa tsirairay izay Alefany eo afovoantsika, dia hanohy handatsaka Ny Fanahiny eo amintsika fotsiny Andriamanitra ary hihamaro isa sy hitombo isika. Tsy mino an'izany ve ianareo? Azo antoka. Tsy maintsy manana fanajana an'Andriamanitra isika.

<sup>216</sup> Ndao isika hanondrika ny lohantsika vetivety ho an'ny vavaka. Alohan'ny hanombohantsika hivavaka, dia tiako ny hahafantatra raha misy olona ato te-hilaza hoe, "Rahalahy Branham, tiako ianao hivavaka ho ahy, mba hananako fanajana lehibe an'Andriamanitra, mba hahaizako manakatona ny vavako isan'andro tsy hanohitra an'ireo zavatr'Andriamanitra, tsy mampaninona na inona izy ireo, ka enga anie Andriamanitra hametraka ato am-poko mba hanaja ny fanomezana Masina izay Alefany ao amin'ny fiangonana." Hanangana ny tànanareo fotsiny ve ianareo, ka hanao hoe, "Mivavaha ho ahy." Andriamanitra hitahy anareo. Saiky ny tànana tsirairay ato ampiangonana, ary izaho dia nanangana ny ahy, ihany koa.

<sup>217</sup> Andriamanitra, ampio aho mba ho mpanompo iray amin'ny Anao. Ampio aho mba hanaja an'ireo rahalahiko, ampio aho mba hanaja an'ireo anabaviko. Ary ny Fanahin'Andriamanitra tsirairay izay tonga ao amin'ny favoriana, na fitenenana amin'ny fiteny tsy fantatra izany, na fandikana fiteny tsy fantatra izany, na faminaniana izany, na fanomezam-pahasoavan'ny famantarana izany, na inona izany, dia milaza aho hoe, "O Tompo Jesosy, alefaso izy ireo. Alefaso izy ireo, O Tompo. Mankasitraka Anao aho."

<sup>218</sup> Ankehitriny, Ray any An-danitra, fantatray fa Andriamanitra lehibe sy mahatahotra Ianao. Fantatray fa mahatahotra ny Fahatezeranao. Vantany vao mampiakatra ny Fahatezeranao Ianao, nahoana, izany dia—zavatra iray mahatahotra izany. Afaka mandrava an'izao tontolo izao ao anatin'ny iray segondra ny fahatezeran'Andriamanitra. Fa rehefa mijery midina eo amin'ny Ràn'ny Tompo Jesosy Ianao, amin'izay fotoana izay dia lasa ny Fahatezeranao. Oh, afeno ao anatin'ilay Vatolampin'ireo Taona aho! Tompo Andriamanitra, tehirizo ho voasaron'ny Ràn'ny Tompo Jesosy ny fanahiko. Tsy ahy ireny ihany, Tompo, fa ireo izay ato, ihany koa, izao hariva izao. Tianay Ianao, Tompo. Ary ny fanomezana tsirairay izay Nomenao anay, na dia mety hiantso anay amin'izay zavatra rehetra tiany iantsoana aza izy ireo, Tompo, izany dia mbola tsy...tsy tianay hisy zavatra iray idiran'izany amin'io, mbola

manaja Anao foana izahay, ilay Anankiray lehibe, ilay Fanahy Masina lehibe. Tianay Ianao, Ray.

<sup>219</sup> Misaotra Anao izahay ny amin'ny fanomezam-pahasoavan'ny fanasitranana eo anivonay. Misaotra Anao izahay ny amin'ny fanomezam-pahasoavan'ny faminaniana eo anivonay. Misaotra Anao izahay ny amin'ny fanomezam-pahasoavan'ny fiteny tsy fantatra, ary ny fanomezam-pahasoavan'ny fandikana. Ary, O Andriamanitra, mivavaka izahay mba Hanohizanao mandefa an'ireo fanomezam-pahasoavana eo anivonay, ireo fanomezam-pahasoavan'ny Fanahy Masina lehibe. Ambonin'ny zavatra rehetra, Tompo, ny fankasitrahany lehibe indrindra izay anananay ao amponay dia ho an'ilay Fanomezana lehibe, ampy tanteraka, an'i Jesosy Kristy. Misaotra Anao izahay nohon'ny Fahasoavany sy ny Famindrampony, Izay manao an'ireo zavatra kely hafa rehetra azo atao ho anay amin'ny alalan'ny Fijaliany nisolo tena sy nandeha rà teo Kalvary. Manamasina ny olona tsotra izay mihaino Azy am-pifaliana Izy.

<sup>220</sup> Ary, Tompo, tena faly izahay fa tonga amin'ny olona tsotra Ianao. Ao amin'ny Baiboly, ao amin'ny Bokin'i Masindahy Lioka, dia izao no vakianay hoe, "Nihaino Azy am-pifaliana ny olona tsotra." Amin'izao andro izao dia hoy izy ireo hoe, "Oh, andiany tsotra iray fotsiny io." Fa, Tompo, izany ilay andiany izay nihaino Anao rehefa teto Ianao tao amin'ny nofo. Ilay olona tsotra no nihaino Anao am-pifaliana. Ilay mirehareha, ilay manankarena, ary maro amin'izy ireo dia tsy te-hihaino Anao. Ireo mpanjaka, ireo mpanapaka, ireo mpisoron'ilay andro, dia tsy te-hihaino Anao. Fa ilay olona tsotra no nandray Anao am-pifaliana.

<sup>221</sup> Ary, Ray, izao hariva izao, dia olona tsotra izahay, ary mandray Anao am-pifaliana izahay. Faly tahaka azy ireo izahay rehefa niverina izy ireo nifaly, ary nihevitra fa zavatra iray mahafinaritra ilay izy, ary faly satria afaka nitondra ny latsan'Ny Anarany izy ireo, rehefa nandatsa azy ireo sy niantso azy ireo tamin'ny zavatra rehetra izy ireo. Ary tena faly izy ireo, satria tombontsoa ho azy ireo ny njaly ho an'ny Anaran'i Jesosy Kristy. Andriamanitra Ray, manakambana ny tenanay amin'ireo mpianatra tamin'izany andro izany izahay, ka manao hoe, "Faly izahay."

<sup>222</sup> Mitsangana tahaka an'i Masindahy Paoly fahiny aho izao hariva izao, rehefa nitsangana teo anatrehan'i Agripa izy, ka hoy izy hoe, "Amin'ilay Lèlana izay antsoina hoe fitokoana, adala, tahaka an'izany no anompoako an'ilay Andriamaniry ny razantsika."

<sup>223</sup> Ary rehefa hoy i Agripa hoe, "Paoly, ny fianarana be loatra no nanao anao ho adala."

Hoy izy hoe, "Tsy adala aho, O ry Agripa."

<sup>224</sup> Ary farany avy eo dia tonga tao amin'ny toerana iray izy, hoy izy hoe, "Saiky mandresy lahatra ahy ho Kristiana iray ianao."

<sup>225</sup> Hoy izy hoe, "Ho tiako raha tahaka ahy ianao, tsy misy an'ireto rojon'ny fanandevalozana ireto mihitsy aza."

<sup>226</sup> O Andriamanitra, fitiavana toy ny inona no nananan'i Paoly, nilaza izy fa ho lasa voaozona izy, mba hahavoavonjy ny olony. O Andriamanitra Ray, omeo anay ny fifankatiavana tahaka an'izany. Omeo anay izany fitiavana tsy mety maty izany, izany fahamaotinana izany, izany fifanajana izany, mba ho tena Kristiana hijery any ankoatry ny fahadisoan'ny hafa tsirairay, hijery any ankoatra. Satria efa notsofin'Andriamanitra rano ny olona; ary mety manao fahadisoana izy. O Ray, aza avela hijery an'izany fahadisoana izany izahay, mahafantatra fa rahalahy sarobidy iray izany izaynofandrihan'i Satana tao amin'ny zavatra iray angamba izy. Fa raha nanao izy, dia mivavaka izahay, Tompo, mba Hanampianao azy na izy hivoaka avy amin'izany toerana izany, mba hanananay fitiavana ao amponay hitady an'ilay ondry very ka hitondra azy ireo hiverina ao am-bala. Ekeo izany, Tompo. Mamelà anay amin'ny helokay, tahaka ny amelanay an'ireo izay meloka taminay. Ekeo izany, Tompo. Aza mitondra anay amin'ny fakam-panahy, fa manafaha anay amin'ny ratsy. fa Anao ny Fanjakana, sy ny hery, ary ny voninahitra, mandrakizay. Amena.

[Manome fananarana iray Rahalahy Neville—Mpand.]  
Amena. Amena. Amena.

Misaotra Anao, Tompo. Misaotra Anao, Ray. Midera Anao, O Iray Masina.

<sup>227</sup> Be voninahitra toy ny ahoana Ianao, Ray! Toy ny ahoana no isaoranay Anao, Tompo! Fiononana toy ny inona ny mahatsapa ny Fanatrehan'ny Fanahy Masina ka mandre Azy miteny amin'ny alàlan'ny molotr'olombelona, aminay, manamarina fa mbola mijanona ho Andriamanitra foana Izzy, ary eo afovoanay. Misaotra Anao izahay ny amin'izany, Ray. Manohiza miaraka aminay, Tompo. Mahareta aminay, mba ahafahanay ho Olonao. Amin'ny alàlan'i Jesosy Kristy no angatahanay an'izany. Amena.

<sup>228</sup> Tsy mahafinaritra ve ny ho Kristiana iray? Tsy mahafinaritra ve ny mahafantatra an'Andriamanitra sy mahafantatra Ny Fanatrehany? Ny mieritreritra ny androany, ankehitriny, ahoana fa Nataony fanindroany mihitsy aza izany. Androany Izzy—niteny tamin'ny anabavy eto Izzy, tonga, tao amin'io Hazavana io tahaka ny Nataony, ary niteny tamin'izy ireo satria nino ny Hafatra izy ireo. Be voninahitra Izzy, sa tsy izany Izzy? Tsy tianareo ve Izzy? Firy no tia Azy amin'ny fonareo rehetra, amin'ny fanahinareo rehetra? Mahafinaritra Izzy. Ndaoo isika hitsangana ankehitriny, raha mihira an'ilay hira tsara fahiny izay tantsika rehetra isika.

Tiako Izy, tiako Izy  
Satria nitia ahy mialoha Izy  
Ka nividy ny famonjeko  
Teo amin'ny hazon'i Kalvary.

<sup>229</sup> Oh, tsy mahafinaritra ve Izy? Mahafinaritra! Ankehitriny, tsarovy ny fivoriana Alarobia hariva. Ary avy eo, raha sitraky ny Tompo, dia ho eto indray aho amin'ny Alahady heriny, raha sitraky ny Tompo. Mivavaha ho anay mandritry ny herinandro. Raha manondrika ny lohantsika ao amin'ny vavaka isika ankehitriny, dia hangataka an-dRahalahy Neville aho, ny pasiterantsika, raha hiakatra izy ho an'ireo teny farany izay homeny anareo.



*FANAJANA* MAG61-1015E  
(Respects)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 15 Oktobra, 1961, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)